

王恭毅公駁稿

王恭毅公駁稿下

謀殺

大理寺為人命事刑部廣西清吏司開詳犯人
一名王鑑所犯合依故殺者律斬秋後處決除
復詳外案照先該本司問詳犯人王鑑王鐸各
犯該斬絞罪名為因招情未明已駁再問去後
今問王鑑前罪查得王鑑原招有堂兄王鎮同
伊弟王錦來家要分糧食不得將鑑罵說我兄
弟兩箇來這道不分與我糧食務要將你們告
官發田原籍當差鑑等懷恨至晚有王鎮王錦

在本家南房宿歇鑑聽探各人睡熟不合起謀
与兄王鐸議說咱庄上人家寫遠近今夜靜無
人得知將這兩箇打死擡在一邊看一把火燒
了無事免他後頭告害有兄王鐸不合先捉是
鑑手執頂門大棍先將王鎮打死有王錦驚醒
奔走是鑑与兄王鐸各人趕至東墙有王錦跳
墙逃命鑑就用棍亂打身死同兄王鐸將屍擡
在一處用石杵將各屍頭腦打碎就行放火將
草房二間同王鎮等屍燒化今却招称王鐸先
前去河內鱸魚不在是鑑跳起惡意將王鎮等打

死却去報與兄王鐸前情喚伊回家與鑑將王鎮等身屍燒毀切詳王鑑既自招認与兄王鐸同謀將王鎮等打死節次檢勘供結相同今未審憑何證佐却招王鐸鱧魚不在設若比時王鐸果去鱧魚必是有人同行其鱧魚處所必然有人知見今却全無證據平空提招前因且王鐸既去鱧魚王鑑一人在家豈敢輒起誣心將王鎮等二人打死况三錦驚覺奔走非是二人齊力下手豈能將伊打死撞死燒毀無私打死王鎮等之時王鐸鱧魚既不在家打死之後緣

何又去報兄王鐸回家扛屍燒毀全說不通况
比先問之時若有此情王鑑豈肯隱匿不說
直待駁回再問纔方說出顯是王鑑惧怕重罪
故令王鑑改換招詞意圖脫免原問官吏不究
虛實輒便聽信改擬徒罪事屬不當且王鑑所
犯係十惡今擬秋後處決俱屬未明有碍類
奏

大理寺為挾讐誣賴人命等事刑部四川清吏
司開詳犯人三名康耀徐益馮昭兩犯擬合依
謀殺人康耀造意者律斬徐益馮昭從而加功

者律各絞秋後處決係重刑請

旨除叅詳外看得康耀招稱先與潘妙安通奸因
怕潘羊保霸占不得奸宿却與馮昭徐益議允
要將潘羊保謀死置酒請潘羊保飲訖伺候將
熟羅用麻繩套在潘羊保頸項今徐益相共擡
勒不死今馮昭拾起墨皂磚從左脇肋上打訖
五下脊背二打訖三下耀怕不死又自接磚從
右太陽上儘力打訖一下緣方身死事發驗
間耀身徐益商量你下手認做主謀我原王謀
認做下手故意顛倒等官府摸頭腦不着徐益

聽兄供敘與吳真康羅商議叫同蘓留今候見
潘羊保同到申明亭四下無人假與爭論康羅
下手將潘羊保扭倒各人用拳亂打康羅抱住
兩手吳真抱住兩脚康羅叫孟鮮繩縛頸與蘓
留今拖繩致死虛情在官問擬徐孟謀殺人造
意律斬耀與吳真蘇留今俱從而加功絞昭供
明申詳刑部駁回將耀問出前情切詳康羅既
是與潘妙安有奸口怕潘羊保霸占將伊謀死
其餘益止是下手之人別無讐恨緣何比先輒
自承認主謀情由馮昭既是一同下手緣何比

先徐益却肯脫伊重罪問擬供明况吳真蘇留
今比先既是全不知情緣何便肯甘心受死自
認絞罪畧無異詞直待刑部駁回方將康耀問
出前情却將徐益原擬主謀之人改作下手嗎
昭原擬供明之人坐以死刑雖稱此時康耀設
計主使徐益等妄招緣徐益等俱非木石豈肯
一一聽其主使就任重刑且比先招在申明亭
將潘羊保謀死今却招在康耀家將潘羊保謀
殺前後招詞互相轉換中間情節全示明白係
千人命難以類奏

大理寺為人命事刑部廣西清吏司開詳犯人
一名程盛所犯合依謀殺人造意者律斬秋後
處決係重刑請

旨除叅詳外看得程盛招稱目許公茂與汪玄祖
男婦沈氏通奸領到盛家約會汪衛煩等出賣
有汪玄祖出帖召尋汪衛煩就將召帖前到盛
家說知是盛不肯放出汪玄祖施扯汪衛煩告
縣行提盛逃縣捉男程添林等監問盛惧怕將
沈氏送到孤舟額上本婦怕阿翁与夫責罵不
肯回去又恐天明是盛將本婦行倒用帶麻繩

繫在樹上勒死拖到黃泥塘用小繩吊在松樹
上拖將幼女丟在汪玄祖門首伊家聽知女啼
抱婦等情切詳程盛既將沈氏藏匿在家已被
汪玄祖告發程盛逃躲伊男程添林捉獲在官
本婦緣何又在伊家藏住既在伊家藏住事有
歸著程盛緣何又敢將本婦謀死况稱惧罪
將本婦送到孤舟頭上本婦止是惧怕夫等責
罵緣何不肯回家程盛既逃到彼聽其自去回
何就打將伊打勒致死且一時程盛要送本婦
回家緣何又帶着麻小索將身得以將本婦勒

死懸吊設若果有前項麻繩則是先有謀殺本婦之心如何又稱送到額上不肯認去緣方謀死無且程盛比時謀殺沈氏其心荒擾走躲不暇何得如此從容又欲將幼女報去汪玄祖門首丟下此等情節全說不通若果程盛將沈氏謀殺之必有同謀下手之人今止坐本犯前罪似無此理又况沈氏身屍不曾檢驗傷痕定執致死根曰輒便朦朧開詳一併干重刑有碍類奏大理寺為辨明冤枉誣陷人命等事據左寺案呈該河南道監察御史開具犯人二名龔祚所

犯合依原擬謀殺人造意者律斬袁敬從而加功者律絞俱秋後處決係正刑請

旨除審錄外畧看得龔祚明犯先与林氏通奸後又典崔在家奸宿有父龔一與到衣敦水田耕種祚見縮熟刀并林氏同到伊家改割奸宿有蔡恭曰袁敬借伊同錢七十五文前來取討行至伊家門首口中帶唱彼有林氏在於袁敬門裏站立曰見蔣恭口唱就行伊作候祚入看見就用木槌將蔣恭兜嘴打脫一棒昏倒在地又將伊左右助下打訖二棍

有袁敬在傍看見

是祚日見蔣恭不死就與張敬謀說這廝回家
一定告狀你也欠他銅錢口遂被他逼討不着
一發將他開除了罷張敬一借銅錢無還六不
合依聽將祚原棍拾起六將伊背上行訖兩棍
當時身死祚与張敬惧怕事發今雇工人王伍
等將屍扛至高橋邊放在張敬船內撐至三里
蕩丟在水中祚又怕張敬透漏消息与伊容說
你却不要與人說知先前借我銀子不要你還
了等情切詳林氏係是淫婦龔祚與雇奸宿今
將恭与伊作笑未審平日有無通奸情由設若

無奸不過一時作笑而已初非爭奸鬪毆有例
大讐就行將伊謀死且謀死人命必目懷挾讐
恨預先謀議方終下手今龔祚止同將恭与林
氏作笑一時忿怒將伊打倒就与袁敬商量打死
未審有無謀殺情由且彼時龔祚已將蔣恭打
昏止是未曾氣絕若要打死但加數棍而已何
必又與袁敬商量假手於彼况袁敬止欠蔣恭
銅錢七十文不為重債有何大恨豈肯便聽龔
祚之言輒將蔣恭謀殺今招前情不無鑒鑒候
令蔣恭果被龔祚袁敬同謀殺死其袁敬二係

下手兇犯豈肯與人說知牘祚緣何又忙透漏
消息與伊密說先前借我銀子不要你還等語
以此情節尤說不通係干人命通屬未明有碍
類案合駁再行勘問明白重別開詳

大理寺為人命等事據左寺案呈該刑部山西
清吏司發審犯人七名張鑑所犯合依尋長暨
小功卑幼折傷以上減凡人刃傷人二等律張
祥依不應得為而為之事理重者律郭氏告
張鑑等糾合張富用力將張鑑肚上戳傷身死
得實張富合坐以謀殺人從而加功者絞今處

依誣告人死罪未決者律遇蒙

恩例通減二等張鑑杖九十張祥杖六十郭氏杖

九十徒二年半趙恕等四名俱供明除審錄

外卷內查得郭氏狀告有夫張銘堂弟張鑑屢

次揚言要害氏家人命或化三年八月內張鑑

用刀戳傷氏男張紀脰膊二處本年十二月十

四日張鑑用刀一把來氏門首口稱要害性命

氏夫張銘見伊有刀將張鑑揪搦毆打正月二

十三日張祥張鑑糾合張銘張富反行惡意用

刀一把將氏夫張銘毆上戳傷身死等情今張

鑑却招鑑日被張銘打折左腿与兄張銘議允
令兄張祥抱訴刑部該司張銘目見等人緊急
及張璫逃避又見郭氏捉拿到官仍要尋死將
鑑等面賴當拿尖刀一把在手候至五更時分
潛去張銘門首自行解開衣服用右手將自心
坎下偏左戳傷三刀隣人杜名前去看問張容
賴說我被張銘張祥張富拖到這等解開衣服
張鑑用刀將我戳傷見有刀在我身邊等語杜
名當叫總甲趙恕等扛擡回家郭氏密問戳傷
情由張鑑言說我因該司拿人緊急張紀等各

又脫縣不在你。監禁在官。以此無奈。只得自行尋死。要張鑑等償命。我若死了。你只依我說。告張鑑。每戮殺他。要他償命。切詳好生惡死人之同情。比時張鑑止告張鑑毆打等情。在官別無重事。張鑑豈肯輕便尋死。當賴旦郭氏明告張鑑等。即以擊刀來伊門首要害。夫張鑑性命。又用刀將男張玘戳傷二處。其張鑑要殺張鑑情節。似非一日。張鑑致死。根回恐非暗昧。况稱張鑑當夜不知時分來家。又取別樣尖刀一把。候至五更時分。潛去張鑑門首。自行解開衣服。

用右手將自心坎下偏左戳傷三刀若此時果
係張銘自要尋死而賴必於咽喉下抹傷身死
豈不快當若欲戳死必然愈急失坎豈應如此
從容用三擊刀解開衣服自於心坎連戳三刀
且初戳一刀手足已軟疼痛已極豈能又戳二
刀此等情詞全說不通兼又該兵馬司委官人
等先前檢勘屍傷之時張鑑當官親供鑑子姪
張玘等目攬錢糧懷恨在心被張玘等同父張
銘將鑑毆打是鑑同兄張祥及張富前去張銘
家內商議我每暗將張銘害死以後也好過活

至五更時分，俏見張鎔出門，各人拖扯到於張
銘門首。張鎔、張祥、張富將兄扯住，鎔用尖刀解
開衣服，於伊心口下戳訖三刀，奔走去訖該地。
方火甲人等供結相同，今稱張鎔与伊妻郭氏
說知自戳情由。纔前項言語既無知證之人，在
傍聽知，又無片紙實字在官證佐，止憑本婦一
面之詞，脫免張鎔等重罪。恐是郭氏因在官司
聽候日久，不得結絕，又因張鎔等買免，故誣前
詞，妄為出脫。刑招內既稱張鎔被張鎔打折左
腿，必是已成廢疾。今看張鎔步履如故，顯是張

鎔被截之時張鑑前傷經隔四十餘日已自平
復今稱張鎔截傷之時鑑正被打折腿骨病卧
在床不能動履尤屬虛妄中間情節逐節可疑
該司今招是實其前二次檢勘官吏定執致死
根因不明合提問係干人命難以平允

大理寺為搶割田禾殺害人命事據右寺案
呈該廣東道監察御史開詳犯人何宗貴等一
十二名何宗貴何詔鮑四仔關智黎太玄蘇二
孫蔡二仔蔡亞三黃癸丑區祖禮何頂熊等全
所犯俱依原擬謀殺人從而加功者律各絞秋

後處決係重刑請

旨續該本道手本開稱數內犯人區祖禮何頂龔
得全陸續病故等回到寺除叅詳外看得何宗
貴招稱已死張福糾同宗貴何詔鮑四仔閔智
黎太玄蘇二孫蔡二仔蔡亞三黃癸丑并已死
區祖禮等共駕船隻前去盜割蘇璿田禾有蘇
璿等六人佃戶陳逐等三十二人各駕船隻前
來共禾爭論張福懷恨蘇璿舊讎與宗貴等謀
元趕打蘇璿等六人躲避宗貴等搖船趕上陳
逐船隻蘇二孫用石頭打傷譚亞泰宗貴用竹

篙打傷陳遂閔智用石頭打傷馬志未獲姜肥
保用石頭打傷姜遜何詔用木棍打傷譚亞祖
俱各落水身死等情切詳何宗貴等一十餘人
俱招聽令張福主謀將陳遂等趕打令止稱蘇
二孫等五人用石頭等物打傷陳遂等落水身
死不見明白聲說行兇之時其鮑四仔等八人
用何器械打傷何人及有無加功情由却与何
宗貴等同坐前律事屬未明况何宗貴等行兇
之時各用石棍亂打未審憑何得知打傷落水
身死者五人岸忙跳水身死者二十七人雖稱

陳遂等五人身屍檢有傷痕其鄧長等十七人身屍漂流無存案一應何得知各人上係跳水
滑死事尤大當且何宗貴等殺人數多中間恐
有殺一家非死罪二人情由不見追問的確兼
且招內既稱閔智打傷馬忘後又招作馬智未
審原係二人惟該正是一人名字又查卷內何
宗貴令男何進寧赴京抱訴冤枉已行勘問亦
不見招出本處官司將所奏情詞作何問理輒
將各犯招罪呈詳係干重刑通難平允合駁轉
行原問衙門逐一查問明白另行開詳

大理寺為陳言事據右寺案呈該河南道監察御史開詳犯人強盜王亮刑廣所犯俱合依原擬謀殺人從而加功者律各絞秋後處決俱重刑請

旨除盜詳外案昭以光該本道開詳合犯招罪緣由為目不明已駁再詳去後查看得強盜招稱民人汪四與青盜說賊首梁溫等多打了銀子我每合些好漢同去奪洞也打些銀子來分用他若不肯就与他殺一場是青聽允与汪四糾同三亮那廣并軍民人創二官人等三百餘人各

執刀器到於雙廟兒山洞口不期梁溫等不容
進入亦領人衆與青等互相爭奪拒敵汪四就
令青等各將梁溫手下人吳青刀奉張能徐廣
并失記名石匠俱各殺死扛入柴籠內燒化等
情切詳強青等既听汪四主使將吳青等殺死
緣汪四同行三百余人未審吳青等的係何人
下手殺死况招三百餘人既無指實姓名又稱
汪四令青等各將鎗刀器械殺死詳其等字之
中似乎三百餘人俱是下手人數却將王亮邢
廣問擬絞罪既問各犯前罪招內殺人加功之

時却無各犯姓名又不明招強青殺死何人三
亮刑廣殺死何人止稱汪四令青等各將吳青
等殺死就擬強青等死刑事屬朦朧且比先汪
四糾同強青等止稱要去奪洞打銀他石不肯
就與殺一場以後梁溫等爭奪拒敵被汪四等
將吳青等殺死似無謀殺情由今擬前罪尤不
合律兼且偷採銀砂俱是逃移軍民一時互相
爭奪雖殺或聚或散今為首梁溫不曾出官所
殺之人既無屍親告發又無身屍檢驗未審憑
何得知強青等殺死吳青等五人誠恐各犯

打妄招前項姓名不可知今稱失記名石匠
一人事尤可疑又况謀殺人命必得身屍檢驗
首犯對證纔方明白今吳青等身屍既稱燒化
汪四首犯又稱脫逃轉問強青等前罪全欠尤
當係干重刑難以類奏

謀殺親夫

大理寺為急死身故事據左寺案呈該刑部山
東清吏司發審犯人十二名萬玉所犯與趙氏
俱合依用毒藥殺人者律各斬秋後處決何奴
才兒若告李氏等折伊銀十五兩并衣服等物

偷盜得實李氏合坐以竊盜得財一百二十貫
無罪之親減一等律杖一百徒三年今虛依誣
告人徒罪加誣三等律李綬依誣騙人財物計
贓准竊盜論九十貫律何宏若告何瑞將伊稍
來盤纏銀五十兩駝一頭今止還銀一兩駝一
頭得實何瑞合坐以不應事重者律杖八十今
虛加誣三等律李賢石洪王五俱依不應得為
而為之者律李賢石洪事理重者俱減等二除
審錄外卷內查得何琮男何奴才現供稱伊父
何琮先在本布政司充吏成化二年十月內在

司房飲酒回家上後庭暈昏迷跌倒在地有
兄才蠻子扶救奴才兒比時幼小去施叫畢
日終醒得活成化六年八月內在京房主人趙
玘家居住上牀時分有父忽兩手拳縮双眼斜
睜牙齒緊閉昏死比時奴才兒扶頭趙氏一手
把燈一手攙扶得活後父典到三玉房屋住坐
成化七年五月二十三日在部與同討優給文
書大小男子二人到家父叫挈茶來吃奴才兒
與趙氏討茶三盞捧出各人吃罷有父送伊出
門隨遇李綬汪弘回家父討飯與伊同吃又令

奴才兒買酒一壺各人飲至半壺有父忽行暈
死李綬汪弘同趙氏扶救當請管太監到家診
視言說這是夾陰入臍用酒灌救不治身死等
因今萬玉招稱與趙氏有奸情密要將何琮謀
死娶趙氏為妾將信藥遞與趙氏一向不得下
手成化七年五月二十三日何琮在部回家遇
見李綬汪弘一同人家有何琮問趙氏要茶吃
趙氏思起玉日前與伊信藥用顯盛茶將藥捏
放在內何琮吃過毒發身死比與何奴才兒供
詞不同切詳萬玉招稱成化六年二月內討得

帶土信藥一錢要將何琮毒死比時萬玉常在
何琮家行走緣何一向不曾下手本年六月內
何琮趙氏搬在城內居住萬玉不曾再來直至
成化七年三月內經隔十箇月之上萬玉方歸
尋到趙氏下處比時既是有人在家不曾成奸
各人又無宿約緣何萬玉就將信藥遞與趙氏
令將何宗毒死設若原有前藥遞與趙氏其在
家之人豈不看見且萬玉去尋趙氏止欲求奸
豈有就懷信藥即去毒死何琮之理趙氏既受
前藥必然下手緣何一向收在炕席下直至本

年四月內萬三年來伊家又無通奸商議情由
緣何遽然討出前藥在手又不知有何緣故行
走數步復回取藥一撮與趙氏收訖比先萬玉
止討信藥一錢已過一年之上今將一撮與趙
氏收訖未審尚有若干作何使用况趙氏既有
毒死何琮之心朝夕飲食之間任其下手何獨
直待李綬汪弘一同入家統方將藥放在茶盞
內此時趙氏放藥之時未審果是何奴才覓討
茶三盞捧出將藥放在何琮盞內惟復何琮另
自討茶將藥放與吃飲設若止是何奴才見捧

茶三盞與各人同飲則趙氏下毒線何恰在何
琮盞內切中本婦奸計矧何奴才見原供何琮
在部與同優給男子二人回家討茶飲畢送伊
出門隨遇李綬汪弘一同進入喫飯今招何琮
在部回還遇見李綬汪弘一同入家此時何琮
既已優給男子及李綬等回家必是一同吃茶
豈有自討茶吃之理無且李綬等與何琮吃飯
飲酒忽然昏死李綬上係趙氏奸夫若是下藥
李綬豈不知情又况前項信藥收歲月久藥性
已過何琮若果吃下必然經隔一日半日然後

毒發豈有當時就死之理。此時只請管太監看
係夾陰入臍。今却不拘管。太監審問。委曰。何故
致命。輒作毒發身死。若果中毒身死。必是遍身
發。口唇咽喉等處破裂。發變。今先次檢驗。屍
傷俱稱用銀物揅探。變黑。及至填寫屍面。却開
咽喉。喉心坎等處。俱各無故。既是咽喉無故。
不知揃探銀物。從何發變。以後委官重檢。又稱
用銀物揃探咽喉。密封良久。取出銀色不變。要
無毒死情由。及至該司駁回。再檢。却又稱皮肉
俱已腐爛。沿身上下等骨。俱變黑色。亦無的確。

致命顯迹前後檢驗屍傷或稱有毒或稱無毒
或稱腐爛係千重刑似此所為有司見戲焉又
何奴才見供稱何琮先在房主人趙玘家昏死
一次三不見行拘趙玘審問有無前項昏死情
由况毒藥殺人條內不言皆者當分首從今將
各犯俱擬斬罪與律不合且何弘明告何瑀稍
束盤纏銀十五兩駢一頭上還銀一兩駢一頭
等情既是涉虛自有正律加誣却不應事重
上加等科斷尤屬未當况審萬三這日執稱寬
枉不肯服辨趙氏雖已盡字叫寬不已俱碍類

奏合通駁回再行鞠問明白送審

絞死奸夫

大理寺為挾詐財物等事據在寺案呈該刑部
雲南清吏司發審犯人二十名張勝所犯合依
夫毆妻至死者律絞秋後處決馬雲依恐嚇取
人財物計贓准竊盜論一百二十貫罪止律減
等杖一百徒三年張五等五名依不應得為而
為之事理重者律減等各杖七十巨十三等一
十三名俱供明除審錄外查得卷內先該餘
丁張五奏稱有姪張勝因妻周氏占餘丁馬震

偷奸殺訖就將首級赴官告知被馬鎮兄馬雲
買囑堂弟馬海控告問結了當又被馬雲引領
家人將五捉打赫取銀兩等物及據馬海首稱
有兄馬雲與張勝父張六爭地有警被張六
六同男張宗等將弟馬震打死又將男婦拖到
馬震死處之行打死抵命等情該司倭行各該
州衛委官撫勘拘得馬雲等供稱有弟馬震與
張勝妻周氏奸宿約有二更時分被本夫將
二人殺死及馬海亦供馬震與周氏奸宿被
張勝當夜將馬震周氏用斧頭砍死是海不忿

捏告張六六打死并張勝等不供有妻祖周全
患病去望面家至二更時分見妻周氏与奸夫
馬震在房抗上北頭奸宿被勝殺死及已死周
氏父周青与知見隣佑火甲人張靖等俱供馬
震日与周氏奸宿被張勝殺死各供相同及至
本司節次駁勘各人終無異詞今張勝却招馬
震節次与妻周氏奸宿勝一向緝捕不見下落
天順八年五月初二日有妻祖周全患病勝去
看望就回与妻同歇至二更時分馬震越牆到
勝卧房門外用手指將板門連彈三下是勝

床聞知思妻日前被人講說是非必是妻奸夫
氣忿起身開門潛躲門後馬震疑是周氏開門
就行進房揣摩周氏問彼時勝回夜深不知馬
震入內与妻求奸又恐是賊入勝家內偷盜當
時揣摩棒槌後知是馬震迎頭打訖一下趕至
過道門內殺死知妻平日与伊通奸不合今要
將周氏殺死周氏惧怕跪說可憐見不要殺我
勝氣忿將周氏喝說你替我磕頭饒你周氏像
聽向勝磕頭勝不令就用鉄斧將周氏腦後打
訖一下昏倒在地仍用鉄斧將周氏首級砍下

等詞比与前項勘結情節全不相同切詳張勝
既与周氏同床宿歇馬震用手指連彈板門三
下此必平日私約口號比時周氏聽知豈不喝
令馬震脫走却乃隱忍致使張勝開門放入及
至開門之後馬震知是周氏開門必似平日互
相拉扯綢繆上床方可無疑豈有開門不見奸
婦却肯進房將周氏揣摩况張勝平日既知伊
妻与馬震有奸聽知手彈板門開放入内却称
不知馬震入内与妻求奸又恐是賊入勝家内
偷盜及至揣摩棒槌之後却又知是馬震迎頭

打死且張勝在房端摸棒槌必然響動馬震豈
不知覺不行脫走況又房內昏暗何以能見馬
震頭腦就行迎頭打傷既是棒槌迎頭打訖一
下必然昏倒在地何以又能走到過道門內纔
方殺死此皆不通之論未審憑何招出前情若
果今招是實比時卽次取勘之時馬雲親弟周
青親女無故俱被張勝殺死各人因何不行供
出前情反与回護直至該司取問之際張勝乃
肯說出前司自取重罪中間情節俱屬未明以
致張勝執紼寃枉不肯服辯及審馬雲等口詞

亦各相同係于重刑有碍類奏

支解人

大理言為謀殺人命事據左寺案呈該貴州道
監察御史開詳犯人七名于海所犯合仍依原
擬支解人者律凌遲處死財產斷付死者之家
妻子流三千里于寶侯八哥子張興朱安于寧
俱為于海從各斬決不待時內于海招稱妻王
氏先已病故次子于廣招年一十歲双目俱瞎
緣係應流人數及于海等俱重刑請

旨除詳審外恭詳得于海明招用棍照郭英頭上

打訖一根張興手擎車輻照董海頭上打訖一
下俱各倒地又恐不死海令張興用斧於郭英
腦門上砍訖一斧又令侯八哥子用繩於董海
項下勒住俱各身死剥下衣服等件海又不合
將鑲刀令于寶將郭英等身屍割碎于寶不寡
下手轉刀與張興將各屍頭腿肱膊割做六大
塊布袋裝盛用馱馱出丟棄切詳于海等雖將
郭英等身屍割碎緣郭英等此時俱已身死未
審是否立解情由誠恐于海等恃其兇惡慣犯
刑法取問之時要得脫免支解重罪隱下別情

故招各人身死方將衣服剥下割碎身屍事未
可知今不究問明白輒擬前律事屬未明有碍
類奉

殺一家非死罪三人

大理寺為扶蠲放火救人等事據左寺案呈該
刑部山東清吏司開詳犯人尹氏等二名俱合
依殺一家非死罪三人為從者律各斬決不待
時係重刑請

旨除叅詳外看得尹氏招称有孟廣糾合夫陳卓
子等六十餘人議定約定期後夫陳卓子同

氏并姪陳義等各帶妻尹氏吳喜兒等不合依
聽谷拿口袋被單前到沈剛家打開大門進入
院內拿住伊男沈昂等共一十三名口各用鎗
鞭骨朶棍棒戳打身死等詞切詳尹氏等俱係
婦人比時孟廣等口議劫殺之時既有男子等
六十餘人緣何又要婦女尹氏等隨同打劫既
有尹氏等隨去緣何謀議之時各婦俱不在場
且各婦既是同去打劫必有行兇器物今不見
招出執何器械上稱合拿口袋被單恐非上盜
之具既稱殺一家非死罪三人必是一同下手

助打又不見招出各婦此時用何器械打傷是
何人命中間情節俱屬未明兼又數內陳廣兒
等雖稱自縊身死亦嘗曾無相親是否各犯的
確身屍即今未獲人犯尚多招內止稱孟廣陳
朴兒脫逃其餘未獲人犯不見作何處置矧既
招沈劉伊妻沈河盛又稱盛氏未知何者為的
既招陳義係尹氏夫姪又稱陳義係尹氏夫兄
未知何者為是有此遂節矛盾係干重刑有碍
類奏

大理寺為冒襲官職違法欺害等事據左寺等
呈該刑部雲南清吏司開詳犯人六名適珪所
犯合依原擬謀殺人逆意者律斬秋後處決阿
味阿墨阿納阿那阿端俱依謀殺人日而得財
者同強盜不分首從論律皆斬決不待時俱重
刑請

旨除各詳外查得先該雲南道監察御史開詳適
珪招罪緣由到寺奉審得適珪係是婦人既有
夫男阿周等管事緣何俱是本婦主謀殺死前
項人命既是本婦造意殺人緣一案有殺死四五

人者一姓有殺死六七人者未審是否非死罪
三人况招內明稱阿周等節次殺兵殺死人命
搶劫財物燒毀房屋恐有別項正律今擬各犯
前罪事屬未明已經駁回勘問去後未報今又
詳前日參照適珪等一起因犯兩處開詳事不
歸一况各犯情罪不明駁問未報難以類奏合
駁俟行該道候問報至日徑自併詳

人命事關嚴發

大理寺為分理人命事據左寺案呈該刑部貴
州清吏司發審犯人十六名王友所犯合依故

殺者律斬秋後處決提能依勾捕罪人因而棄
去財物者加竊盜一百二十貫罪止二等律王奉
若奏指揮提能接受強盜屈能官絹十疋小絹
十四疋各色紵絲四疋銀二十五兩又受強盜
田三綿羊二十隻小絹八疋銀二十兩俱各賣
放得實提能合坐以官受財枉法有祿人八十
貫絞今虛依誣告入死罪未決者律田三依原
擬強盜已行而不得財者律減等各杖一百徒
三年王禮王肆兒俱依棄毀人器物者計贓唯
竊盜論一百二十貫俱為未到官郭旺從減一

等律劉恕依奏事詐不以實者律減等各杖九十徒二年半張玉依原擬強盜窩主若不行又不分贓者律減等杖九十吳剛孔盛王鳳楊振俱依不應得為而為之事理重者律減等笞三十五奉係操軍王禮王四兒俱餘丁劉恕等三名俱民人照例做工各完滿日楊成兒係軍人的決孔盛王鳳俱招年七十以上依律收贖田三張玉俱犯在天順八年正月二十二日

大赦以前免罪与供明才真等三名各還職著役隨住寧家查得提能見蒙本司別卷奏行巡按

直隸監察御史勘問未結難便發落審畢合付
該卷徑送前去從重問結除審錄外衆看將王
友雖招故將吳剛父病妻郭氏打死面賴劉恕
要伊償命緣何委官檢屍之時明知王友係是
兇犯不拘面認屍傷審取親供在官且比時王
友已被捉能捉送本衛收監其本衛官吏不知
王友係是兇犯既不送檢屍傷又不解發問罪
却乃疎放縱其自行逃回來京供送中間情節
全欠明白况審王奉執稱委同郭旺打破劉恕
家房九等物並無王禮王四兒同打今招郭旺

同王奉王禮王四兒打碎房瓦等物恐是止憑
劉恕一面告詞輒便聽信致將王友一家父子
四人俱問重罪情志可矜係干人命亟卽未明
難以平允合將王友王奉王禮王四兒劉恕吳
剛駁四再問送審內提能等十名審擬合律如
無干問先行依擬摘發

大理寺為巡捕事據左寺案呈該刑部陝西清
吏司發審犯人四名王福廣所犯合依罪人拒
捕其捕者格殺之律勿論与供明李氏杜文珣
劉海各著役隨住人余審錄外卷內查得西城兵

馬司手本開據總甲杜文弼呈成化五年四月初七日夜有本村住人王福廣到鋪報說被賊人將頭打破隨即拿住在家等語是文弼到彼見男子在於伊家有傷就將王福廣并男子一人捉拿到鋪至夜三更目傷身死今招郭小来福廣家剗牆進入偷穀三斗福廣追趕有郭小厮背穀奔走拿磚拒捕將福廣頭額打破是福廣儘力追趕郭小厮脫走不及被福廣用棍打傷倒地連賊捉拿到鋪至三更時分回傷身死比与原發初情全不相同切詳郭小厮既到王

福廣家偷盜谷子比時王福廣緣何不將偷谷情由報与火甲及至火甲杜文弼捉拿之時緣何不称連贓捉獲却乃止称見得男子一人有傷捉拏到鋪孟不曾開有偷穀拒捕情由直至檢驗屍傷王福廣統供郭小厮剗牆偷穀拏磚拒捕似有飭詞遮罪情由且郭小厮既無器械在身緣何却能剗牆進入既是背穀奔走緣何又能拏磚拒捕此等情節俱說不通人憑王福廣一面之詞就作拒捕格殺係干人命重情事恐未當有碍平允合通駁回再行勘問明白送官

大理寺為人命事事據左寺案呈該刑部廣東
清吏司發審犯人三名王妙榮所犯合依不應
得為而為之事理重者律減等杖七十係逃犯
張氏女依家人共犯免科韓氏楊氏俱依罵人
者律俱減盡無科各隨住除審錄外卷內查得
楊氏原告王海目討私債故將董斌打死又將
親父品謀害命遮掩亮情惧怕逃走今王妙榮
却指董斌被迫不過在於王海後院樹上自縊
有祖父王染醒覺在樹上縊死墜跌屍邊等
情切詳王染既見董斌自縊豈不報与伊男王海

得知緣何一人便能解救其王海既知伊父王
梁縊死抵命緣何不行為父伸訴輒便挈家逃
走且二人身死既無一人知見今未審憑何證
佐招出前日中間情節不無可疑合駁挨拿王
海等至日究問明白另行送審其王妙榮等果
無別情先行依擬摘發

大理寺為人命事刑部福建清吏司發審犯人
一十二名劉氏所犯若告伊男石名去東安祖
果戶武從信谷友亮張福華等家算帳要銀二
錢使用爭鬧將男打死故吊官園樹上得實武

從信等俱合坐以鬪毆殺人者不問手足他物
金刃並絞今虛依誣告人死罪未決者律減等
杖一百徒三年武從信依回事威逼人致死者
律減等杖九十谷友亮張福華劉玉何昇李秉
義俱依不應得為而為之事理重者律俱減等
各杖七十三除審錄外卷內查得劉氏明告有
男石名前去武從信家算帳要銀二錢來家使
用回至約有一箭餘地不知因何爭鬪將男打
死故吊官園桑樹上看得石名沿身及肚腹各
有青傷等情該司行府委官檢出石名身屍額

顧腮腴肩甲等處俱有青赤等傷比与所告情
詞相同今劉氏却招有男石名到武從信家要
銀二錢說定還伊柏葉有武從信恠說你日前
拿我黑豆說還柏葉無有如今又要問我要銀
目而与男互相爭罵從信不合行兇罵說你這
奴才快送柏葉還我黑豆錢便罷不然我到月
後撞見定打的你害有男石名氣起走出在於
武從信家邊官棗園樹上自縊身死切詳石名
止欠武從信黑豆六斗別無難還重債武從信
止罵石名數句又無逼打重情未審石名有何

懼怕輒肯舍命自縊中間顯有打傷致死情由
今委官檢出石名額顱等處青赤傷痕俱係致
命去處招內却乃隱下前傷止開自縊傷痕不
知前項重傷從何而得且武從信既不曾將石
名毆打沿身上下當無他故何故重疊傷痕填
在屍格公然置之不問設若武從信果將石名
毀罵自縊而死其武從信不該償命必不隱諱
何故累次訴狀俱稱石名不相識認又無往
來相干即此訴詞顯有隱情懼罪情弊今石名
致死根因不行究問明白劉氏為子伸冤反坐

誣告重罪死者啣寃生者受屈似此斷獄恐虧公道實難平允除將劉氏武從信楊青谷友亮張福華駁回再問明白送審內何昇等七名審擬合律如無干問先行依擬摘發

大理寺為巡捕事刑部陝西清吏司發審犯四名顧春所犯合依罪人已就拘執及不拒捕而殺者以鬪殺傷者論絞秋後處決劉七保依重事告實輕事招虛免罪蔡惠能李氏俱供明各隨住劉七保送順天府給引照回寧家緣顧春係重刑請

旨除窗外巷內查得劉七保明告有父劉鵬將帶
盛纏金銀貨物獨身搬到劉百戶家安歇今父
在房身死止留鋪蓋氈被等物其餘金銀貨物
俱無前後牆上血流踪點及父沿身紫赤傷痕
本院住入二十七戶不肯說与七保顯是房主
共謀圖財身死等因今顧春却招劉鵬帶酒潛
入春房內將女蔡惠能用言調戲有女不從出
門声叫是春聽知就將劉鵬拘執毆打有傷目
晚各散睡訖至次日早有劉榮妻李氏不見劉
鵬開門前去將伊房門推開見劉鵬身死在坑

等情切詳劉鵬既是白日進入顧春房內將伊
女蔡惠能調戲被顧春拘執打死其同院住人
豈不知見緣何不與劉七保說知且此時劉鵬
雖死其隨身盤纏銀貨豈無遺留在房今止遺
鋪檀蓋被其餘金銀貨物俱無分文中間恐有
別項情由况顧春止招劉鵬被打有傷各散
詎至次日早李氏將門推開見伊身死在坑不
見招出劉鵬是何時分目傷身死的確緣由尤
屬未明係于人命有碍類奏除通駁回再問明
白送審

大理寺為人命事據左寺案呈該刑部貴州清吏司開詳犯人一名劉進即劉福壽所犯合依原擬聞毆殺人老不問手足他物金刃律絞秋後處決係重刑請

旨除叅詳外卷內查得唐榮明告伊男唐維前往閭門行至月城內目見馬過一時躲避張繼門首不期本人嗔恚將男穢罵不容分說手執木棍揪倒在地打傷后被伊隣劉進喝令打死等情今劉進却招唐維來鋪求討羊肉不予反被穢罵行走福壽嗔恚手執木柴趕至張維門首

祖住用柴將伊腦肋等處打傷次日有唐維祖
母常氏將扶唐維前來店內稱說被打傷重是
福壽將熟羊肉二塊央令張維付与回家等詞
全与原發不同切詳唐維既被打傷回家
經隔七日方纔身死緣何不与伊父唐榮說知
行兇之人其父唐榮豈不詢問的確情由終
方告狀今唐榮狀內專告張繼將伊男唐維打
死剗進止是唱令人數却乃自招認至張繼門
首將唐維打死中間恐有移情就獄逼迫招承
情由况唐維差果問剗進討要羊肉以後被打

原缺

有狄子成目與英爭田有讐教唆徐安捏稱
褚英強買金榮砂糖將伊打死又唆表兄吳洪
六捏褚英打死金榮等情俱赴縣首告切詳徐
安吳洪二狀俱告褚英將金榮打死及褚英訴
狀止稱金榮跌死不曾訴有褚欽打死金榮情
由今本府未審憑何證見問出褚欽將金榮打
死情由况徐安等不係屍親却告褚英打死人
命今褚欽雖招前情緣不曾行拘屍親及知見
人等到官面對虛實縣擬前罪中間恐有寬抑
且毆死人命必須檢驗屍傷纔見真情今金榮

身屍又稱燒化不存無從檢驗其致死根目終未明白雖稱委官勘問恐有扶同情弊係干重刑通屬未明有碍類奏

大理寺為人命事刑部廣西清吏司發審犯人一十一名周洪所犯合依故殺者律斬秋後處決周英依官司差人勾攝而抗拒不服及毆所差人者律岳政孔俊俱依不應得為而為之者律岳政事理重者與周英減等各杖七十孔俊減等笞三十云仍於周洪名下勾取戶丁補充已死馬良軍後除審錄外查得卷內先該中兵

馬指揮司手本開稱審據兇犯周英供稱不忿
馬良拘換上操將馬良打傷當時身死并審周
洪倪忠執稱相同備由送司研審周英已服招
承及送檢屍周洪父周祥統赴委官處告稱伊
兄周英將馬良搭打伊男周洪去勸不從被周
洪將馬良踢打身死以致委官就憑周洪承認
檢驗馬良身屍送回本司又審據總甲岳政供
稱巡視到西安門大街見男子二人在街廝打
數內男子二人被打身死就將兇犯一人呈送
兵馬司審係軍人周英將馬良打死緣去楊氏

家拘拏周洪與倪志執供相同咨送廣西司再
三研審周英仍認打死馬良是的送發委官檢
驗間有周洪父周祥等政等央說止有周英一
箇大哥我有三子不若將洪替周英認了留得
大哥却好周洪不肯周祥逼伊承認打死馬良
等詞又行体勘仍依周祥所告情詞回報問得
周洪招稱周英要將馬良毆打有馬良惧怕奔
走出門周英趕至街上搶打問洪勸不從不合
恠怒將馬良踢打身死等情初詳馬良惧怕周
英毆打奔走出門又被周英搶打著得周洪勸

解脫身奔走誠為至幸豈有不從之理却乃反
被周洪恠怒打傷身死以理論之全說不通且
馬良既是周洪打死總甲岳政等捉送兵馬司
審供之時周英不係木石因何就肯承認周洪
之在面審因何得以隱諱反送該司覆審周英
周洪之無異詞直至委官檢驗周洪亦不自承
認祇因伊父周祥具告不得已承認在官况岳
政明供止見男子二人在街廝打數內打死一
人將兇犯周英審供明白緣李周洪執稱相同
則是打死馬良之時周洪不曾在場又供周洪

典說止有周英一箇大哥將周洪認了留得大哥却好此言恐是真實情詞今將周洪代認周英人命情雖可憫法實欠通係干重刑有碍類奏

大理寺為人命事刑部湖廣清吏司發審犯人
五名楊茂所犯若告曹鑑等將陳通不知作何
謀死將屍縊在伊家後門得實曹鑑合坐以謀
殺人造意者律斬陳熊若告楊茂同楊泰將兄
陳通毆打致死得實楊茂合坐以鬪毆殺人者
律絞今俱虛俱依誣告人死罪未決者律減等

杖一百徒三年楊茂陳能俱餘丁云除審錄外

卷內查得楊茂明訴楊通曹鑑楊能楊玉等將
百戶王英軍人李歪頭無故扛擡毆打茂見勸
阻各人懷恨有李歪頭告差旗校訪拿各人逃
躲法司將楊能問罪做工後陳通來茂家尋鬧
回去至夜不知時分被曹鑑等不知作何謀死
將屍殓在茂家後門曹鑑楊玉等八名各執棍
棒將茂門打開扛到鋪內苦打逼招吳通等作
帖子着人拏他以致將陳通通死等詞今楊茂
却招陳通挾讐來茂家廝打茂因怕伊兇徒將

自己缸盆等器打碎。言要告陳通。被茂威逼。要行尋死。當夜一更時分。潛來茂家後牆門。將鞋帶一條。繫在門框木上。自縊間。因見有人行走。慌忙回還。當報知地方。大甲以後。不期本人又於本夜不知時分。仍來用綿布帶。繫在前木上。自縊身死。當夜四更時分。陳能目見。陳通不在。恐是來茂家尋死。喚伊兄陳玉。并曾鑑。叫同大甲唐玉等。前來茂家打門。進入。將茂捉到鋪內。憑曾鑑主謀。用棍拷打。逼要承認。吳通等同寫帖子。令人捉拿。因此將兄陳通。逼死等情。切

詳陳通既是挾讐前來楊茂家尋事廝打楊茂
怕伊兇惡自將缸盆等件打碎聲言要告彼此
勢力相敵未審陳通有何受氣不過便要尋死
晁賴既是當夜一更時分潛來自縊曰見人走
回去掉下鞋帶一條楊茂已經報知地方火甲
必去伊家根問自縊緣由曰何猝然不出一聲
當時既自知覺必然閑防隄備恐其復來緣何
又於本夜不知時分被伊仍來縊死且一更時
分潛來自縊見人行走連忙回還此等言語必
是陳通回家說与妻子兄弟纔方得知其家既

知前情亦必守護防備豈肯容伊再來縊死况
陳能係陳通親弟既知伊兄縊死必去掛吊處
所看驗明白方拿楊茂告官如何却稱四更時
分陳能目見陳通不在恐是來楊茂家尋死此
時既不知伊兄曾無縊死緣何就行喚同陳玉
曹鑑等前去楊茂家打門進入將伊捉到鋪內
考打逼認是伊逼死此等所為似非無意兼且
楊茂勸陳通打人之時既有曹鑑等在內及至
陳能將楊茂考打之際又有曹鑑等在傍今楊
茂又訴曹鑑等不知作何謀死將屍醫在伊家

後門恐是陳能曹鑑等挾讐故將陳通傷害意
畱楊茂償命以快衆人私忿雖稱相驗委有縊
死傷痕緣額顙腮等處俱有青赤之傷中間
慮有扶同檢驗不實情弊即今曹鑑既已脫逃
孫安等又不在官却將各犯問擬前罪送審事
屬未明係干人命有碍平允

大理寺為侵欺俸銀等事刑部廣西清吏司發
審犯人五名王信所犯若告委官邢琮將伊与
李珏等折俸銅錢四千九百八十二文指
留侵欺入已得實邢琮合坐以官物當應給付

與人已出倉庫而未給付但有人守掌在官若有侵欺者計贓以監守自盜論四十貫律斬今虛依誣告人死罪未決者律減等杖一百徒三年邢琮王傑俱依不應得為而為之事理重者律減等各杖七十白善伊氏俱供明云除審錄外叅看得王信明招王俊將邢政額門額角并右太陽穴等處用拳蹴脚踢打王傑亦將邢政左腿用穿鞞鞋脚踢打俱有青赤紅痕王俊因見邢政被打傷重令妻伊氏扶到賃房內睡歇晉供飯食調治後邢政赴衛具告遇見劉林吃

酒勸回仍到王俊房內前去上後因酒醉失脚
跌下水塘內渰死等情切詳邢政被王俊等踢
打前項重傷俱係致命去處又在王俊賃房內
睡歇顯是目傷致死惧怕償命丟入水內設若
果是被水渰死必然沉溺數日肚腹膨脹方纔
漂出水面今邢政身屍止隔一夜豈能就行浮
出水面兼且王俊若無打傷邢政致死情由必
就赴官對證緣何惧罪隨即逃走不知去向况
查白善令妻劉氏訴稱邢政身死之時有夫白
善在學肄業氏六日孕不曾出門並不知渰死

情由今却招白善執稱邢政委因失腳落水身
死尤屬妄誕且邢政渰死之時既無一人在傍
知見兇犯王俊又無在官對理未審憑何證佐
招是失腳落水渰死係干人命有碍平允

大理寺為不應等事刑部河南清吏司叅審犯
人三名周斌所犯合依卑幼毆本宗大功兄死
者律斬決不待時李氏依不應得為而為之事
理重者律減等杖七十陳氏供明云除審錄外
查得卷內彭城衛經歷司手本開稱周貴自称
有病就在伊家安歇伊妻陳氏見夫前病沉重

令男周喜兒等扛擡到衛氣絕身死陳氏見夫
病故走出声言又要告理等詞今周斌招称周
貴曰斌不貼馬錢互相揪行斌將周貴顛門等
處用頭撞傷後本衛曰見周貴有病省令調治
有周貴在家前病沉重擡到本衛廊下身死等
情切詳周斌明招周貴因斌不貼馬錢爭打被
斌用頭撞傷顛門等處其致死根因昭然明白
今該司却乃扶同該衛手本又称周貴有病省
令調治後目前病沉重扛擡到衛身死未審前
病是何病證其周貴身死又未審果曰撞傷致

命惟復患病致死前後招詞自相矛盾恐是周斌意圖日後審異買求該衛故開病故情由况人命重情事執兩端有碍類奏

同謀共毆人

大理寺為人命事刑部廣東清吏司發審犯人八名鄭甫正所犯合依同謀共毆人目而致死以致命傷為重下手者律絞秋後處決王杲依餘人律減等杖九十蔣興等六名俱依不應得為而為之者律減等各答三十云除審錄外叅看得鄭甫正招稱正杲嗔恠王氏夫母李氏拜

見不跪回話及恠王氏不認當夫就罵這發婦
結黨怎麼不當夫却罵總甲王氏聽知又罵老
作死的等語甫正恠怒与王果同謀毆打甫正
将王氏乳肋湯打昏倒王果亦将本婦踢訖一
脚回傷身死等情切詳王氏致死之由皆因王
果嗔恠李氏不跪回話又恠王氏将伊面罵遂
与鄭甫正謀将王氏毆打原情論理其王果顯
是元謀之人未審應否止作餘人科罪事屬不
當况審鄭甫正三称委係王果与甫正商議要
将王氏毆打今甫正已得死罪王果止問杖罪

情實不平尋照蔣興招係邊衛餘丁犯該前罪
例合的決今擬納鈔三屬未明通難平允

威逼人致死重

大理寺為人命事據左寺案呈該刑部湖廣清吏司
發審犯人五名楊茂所犯若告曹鑑等將陳通
不知作何謀死將屍縊在伊家後門得實曹鑑
合坐以謀殺人造意者律斬陳能若告楊茂同
楊泰將兄陳通毆打致死得實楊茂合坐以鬪
毆殺人者律絞今俱虛俱合依誣告人死罪而
未決者律減等各杖一百徒三年楊茂陳能俱

餘丁查得陳能先犯減等杖七十徒一年半做工
未滿今又犯該前罪依已徒而又犯徒者決訖所
犯杖數總徒四年送工部照徒年限做工滿日楊
茂係廢疾人依律收贖仍盡威逼人致死本法追
埋墜銀一十兩給與陳能收領吳通等三名俱供
明各看役隨住除審錄外奉內查得楊茂明訴陳
通曹鑑陳能楊玉等將百戶王英軍人李歪頭無
故扛擡毆打茂見阻勸各人懷恨有李歪頭告差
旗校訪拿各人走躲法司將陳能問罪杖二後陳
通來茂家尋問回去至夜不知時分被曹鑑等不

知作何謀死將屍縊在茂家後門。曹鑑、楊玉等八名各執棍棒將茂門打開，扛到鋪內，苦打逼死。吳通等作帖子著人拿他，以致將陳通逼死。等詞。今楊茂却招陳通挾讐來茂家廝打，茂因怕伊亮徒將自己缸盆等器打碎，言要告陳通。被茂感逼要行尋死。當夜一更時分，潛來茂家後牆門，將鞋帶一條繫在門框木上，自縊。間日見有人行走，連忙回還，當報知地方火甲。以後不期本人又於夜不知時分仍來用綿布帶繫在前木上，自縊身死。當夜四更時分，陳能目見陳通不在，恐是來茂家。

尋死喚伊兄陳玉并曹鑑叫同火甲唐玉等前來
茂家打門進入將茂捉到鋪內憑曹鑑主謀用棍
拷打逼要承認吳通等同寫帖子令人捉拿因此
將兄陳通通死等情切詳陳通既是挾讐前來楊
茂家尋事廝打楊茂怕伊兇惡自將缸盆等件打
碎聲言要告彼此勢力相敵未審陳通有何受氣
不過便要尋死圖賴既是當夜一更時分潛來自
縊目見人走回去掉下鞋帶一條楊茂已經報知
地方火甲必去伊家跟問自縊緣由目何寂然不
出一聲當時既自知覺必然閑防提備恐其後來

緣何又於本夜不知時分被伊仍未自縊且一更時分潛來自縊見人行走連忙回還此等言語必是陳通回家說与妻子兄弟終知其家既知前情必必守護防備豈肯容伊再來縊死况陳能係陳通親弟既知伊兄縊死必去掛吊處所看驗明白方拏楊茂告官如何却称四更時分陳能目見不在恐是來楊茂家尋死比時既不知伊兄曾無縊死緣何就行喚同陳玉曹鑑等前去楊茂家打門進入將伊捉到鋪內考打逼認是伊逼死此等所為似非無意兼且楊茂勸陳通行人之時既有曹鑑

等在內及至陳能將楊茂考打之際又有曹鑑等在傍今楊茂又訴曹鑑等不知作何謀死將屍縊在伊家後門恐是陳能曹鑑等挾讐故將陳通傷害意圖楊茂償命以快衆人私忿雖稱相驗委有縊死傷痕緣額顙腮頰等處俱有青赤之傷中間慮有符同相驗不實情弊即今曹鑑既已脫逃孫妻等又不在官却將各犯問擬前罪送審事屬未明係干人命有碍平允

妻毆夫

大理寺為不應等事刑部四川清吏司發審犯人

三名張氏所犯依妻毆夫者律減等杖九十係婦人審有力照例納鈔完日馬氏依不應得為而為之者律減等笞三十係張氏母係家人共犯免科与供明張敬各隨住寧家內張氏離異婦宗除審錄外各看得張氏明招目嫌夫王貴得患風病身體瘦弱一向不與同床歇卧及母馬氏亦將王貴罵說不長進狗弟子孩兒務要將這買的女子与你做媳婦將我女兒另嫁箇好人依此招詞止是張氏憎嫌其夫要得離異改嫁其王貴別無顧難之情今稱兩不和諧情願離異恐非王貴本意而

馬氏要將伊女另嫁之計得行况王貴既稱風癘
若將其妻離異則其身無所歸著未允顛沛流離
情亦可憐且張氏犯該毆夫之罪却係欺侮傷化
人數今擬納鈔發落通屬未明有碍平允

夫毆妻

大理寺為不應等事據左寺案呈該刑部江西清
吏司發審犯人五名張琮所犯合依六毆妻至折
傷以上減凡墮入胎者二等律減等杖一百張玉
依私家考打監禁者律減等杖七十毛慶王氏俱
依不應得為而為之者律減等各答三十張琮係

餘丁照例做工張玉係上直軍王氏係婦人審有
力各照例納鈔各完滿日毛慶係民人的映毛成
依罵人者律減盡無科各隨住著役除審錄外衆
看得張璟雖招將妻李氏踢傷墮胎緣律內須妻
自告乃坐又須審問夫婦不願離異者驗罪收贖
今李氏不係自告輒坐張璟前律夫婦既不離異
又不驗罪收贖俱与律意自相抵牾難以平允合
將張璟駁回再問明白送審內張玉等四名審擬
合律果無干對先行依擬摘發

夫毆死妻

大理寺為人命事刑部廣東清吏司發審犯人
十名蘇鐸所犯合依毀棄總麻以上卑幼死屍
依凡人殘毀他人死屍者通減一等律減等杖
六十徒一年李海若告蘇鐸將妻李妙圓逼打
為娼不從致被打死得實蘇鐸合坐以夫毆妻
至死者律絞今虛依誣告人死罪未決者律杖
一百流三千里係告總麻卑幼得減一等減等
杖九十徒二年半韓氏依託佐之人不言實情
故行誣証者減罪人蘇鐸罪二等律減等杖七
十徒一年半丁暉李成李氏俱依不應得為而

為之事理重者律減等各杖七十云除審錄外
參看得蘇鐸招稱曰妻李妙圓不做報鞋將伊
恠罵李妙圓上將鐸回罵有母李氏聽知將李
妙圓採打李妙圓不合將母毆罵是鐸不忿不
合手拏木棍將妙圓後心打身死有母對鐸
密說你丈人若告狀如何了得鐸回說李妙圓
見有九箇月身孕我破開肚腹取出孩子等丈
人來只說李妙圓自產死了母回說這等是好
鐸拏尖刀一把將李妙圓解開衣帶破開肚皮
取出孩子血流滿地就斗義外甥女禿兒用灰

西塾鐸將孩之放在沙鍋內用石灰淹死後被
李成告發會勘間有母李氏將小孩子丟棄水
坑無存切詳蘇鐸既將伊妻李妙圓打傷身死
剖開肚腹取出胎孕燒化身屍兇惡殘忍情犯
深重當坐正律今却曲為回護聽信本犯一面
之詞妄招李妙圓罵母脫免重罪且毀罵尊長
須親告乃坐今李妙圓已死伊母先無親告情
詞憑何輒將李妙圓裝誣罵母之情若依取招
今後毆死妻者俱可指作罵母罵父不必償命
事屬不當况蘇鐸既招惧怕大人告狀要得掩

歸與母議允將屍剖開取出孩子以後李成告
發其母緣何却將孩子丟棄水中此等情節尤
說不通俱平允

誣告

大理寺為侵欺俸糧離害等事刑部福建清吏
司發審犯人七名張鑑所犯若告屠倭串通高
清將伊月糧一石五斗折俸糊糴一十一兩銅
錢一百五十文侵欺入已得實高明清合坐以常
人盜倉庫錢糧等物五十貫杖一百流三千里
今虛依誣告人流罪加所誣罪三等罪止律減

等杖一百徒三年下玉依奏事詐不以實者一
減等杖九十徒二年半屠似若告張鑑買噶軍
舍姚慶主使捏寫本狀陷害等情得實姚慶合
坐以不應事重杖八十今虛依誣告人杖罪加
所論罪三等律減等杖一百周妙喜依不應得
為而為之事理重者律減等杖七十高濂等三
名俱供明陰審錄外叅看得張鑑明告委官
千戶屠俊串通軍人高濂將伊俸糧一石五斗
糊糴一十一兩銅錢一百五十文侵欺之家等
情該若告之錄一依係誣告之人當坐斬罪

今既涉虛張鑑合坐以誣告人死罪未決徒罪
今將高清晰加一事屬不當況招高清晰要得掌印
不合央囑屠俊占卡玉而說云當有罪今擬高
清晰明尤屬未明兼且屠俊告称張鑑買囑姚
慶主使捏寫本狀陷害若告得實姚慶恐有教
唆詞訟之罪今於不應上加誣云欠停當通難
平允合將張鑑屠俊高清晰卡玉姚慶駁回再問
明白送審內周妙喜等二名審擬合律如無干
問先行依擬摘發

大理寺為侵欺俸銀緡死等事刑部廣東清吏

司發審犯入六名張氏所犯若告揭忠楊茂剋
落伊俸絹一疋五分銀一兩一錢七分五厘各
得實揭忠等合坐以官物當應給付与人已出
倉庫而未給付若有侵欺者計贓以監守自盜
論四十貫律各斬張端揭忠若告劉俊征西回
還就要印信不與懷恨反悔不曾寬酒作賀捏
詞令伊妻妄告得實劉俊合坐以不應得為而
為之事理重者律杖八十今俱虛張氏依誣告
人死罪未決者律減等杖一百徒三年張端揭
忠俱加所誣罪三等減等各杖一百楊茂依不

應得為而為之事理重者律減罪杖七十除
審錄外卷內查得張氏明告有夫劉俊征西去
訖所有該支俸絹四疋五分被委官百戶揭忠
止与三疋勒捐一疋五分又有該支俸銀三兩
三錢七分又被委官百戶楊茂止與二兩二錢
尅落一兩一錢七分即次取討揭忠等串同千
戶張端執稱還了私債其數錢鈔一十五貫六
被楊茂冒支肥己等情今張氏却招將前項俸
絹俸銀准還私債及費用無存被夫打罵追要
楊茂聞知赴所取鈔潛与男劉八十收接氏要

得推托掩飾不令夫劉俊得知私自捏告揭忠
等侵欺情由切詳張氏既將銀絹領回還入私
債劉俊回家日何又將張氏打罵究問下落張
氏既被伊夫責打緣何却告委官尅落銀絹中
間情節全說不通恐是揭忠等侵欺前項銀絹
買求張氏招回脫免重罪且如卽錢鈔貫既是
楊茂聞知劉俊將妻責打之後終方赴所取還
其張氏曰何必告楊茂冒支肥己顯有妄招掩
飾情由設若張氏果是捏詞妄告其劉俊係是
親夫豈不知情主使當坐誣告之罪以警奸詐

之徒方為允當今犯不令夫劉俊得和隱情捏
告止將本婦坐擬前罪兩相解釋事屬未當難
以平允合通駁回再問明白送審

大理寺為違法等事刑部貴州清吏司發審犯
人三名步雲所犯若告高崇將方興兒妻周女
兒欲奸為妾不從逼勒身死得實高崇合坐以
目姦威逼人致死者斬高崇若告步雲將義女
粉兒強奸得實步雲合坐以強奸者絞今俱虛
俱依誣告人死罪未決者律減等杖一百徒三
年方興兒合依越度關津者律減等杖七十

除審錄外參看得步雲雖稱妄告高宗這奸義
婦周女兒身死高宗妄告步雲強將義女粉兒
奸宿等情緣周女兒粉兒俱在天順年間各已
身死遇革非止一次設若所告得實不知當坐
步雲高崇何罪今將所告革前遠年事情坐擬
各犯誣告人死罪事屬不當况方興兒恐是高
崇義男今却具告義父奸騙義女逼勒身死等
情止問越閭杖罪尤屬未明俱難平允

大理寺為獨占家財欺打誣陷等事浙江道監
察御史發審犯人二十名黃宗三若告堂姪黃琮

將伊父妾惠蓮打死得實黃琮合坐以故殺者
律斬今虛依尊長誣告小功卑幼減所誣罪一
等律郭通若告黃宣口稱有旨拿你是實黃宣
合坐以詐傳

詔旨者律斬黃昱若告堂兄黃宣同不知名男子
八人將伊採打奪去銀一十九兩得實黃宣等
俱合坐以白晝搶奪人財物計贓重者加竊盜
二等一百二十貫罪止律今俱虛郭通依誣告
人死罪未決者律黃昱依誣告人流罪加誣三
等罪止律與黃宣郭通減等各杖一百徒三年

舒氏依居夫喪而身自嫁者律減等杖九十舒
信孺孫俱依不應得為而為之者律減等各笞
三十的決。張景春等一十四名俱供明除審
錄外各看得黃宣誣告堂姪黃琮將父妾惠連
打死既擬誣告人死罪未決緣係誣告小功卑
幼得減誣罪一等今雖引律而不減其罪仍擬
滿徒事屬有違况郭通誣告黃宣口稱有旨拏
你不曾稱是何

詔旨語句上擬誣告人死罪未決設若郭通所告
是實黃宣即論處斬不無深刻兼且黃宣誣告

查兄黃宣搶奪財物若告得實係是親屬相盜
今既涉虛律當減等却乃全坐前罪尤屬未當
矧郭通罪已故贖又係受封軍職二稱請
旨尤屬未明通難平允

前件附改擬

大理事為不應事據右寺案呈該刑部雲南清
吏司裁審犯人一名馬昂所犯合依不應得為
而為之事理重者律減等杖七十係民匠餘丁
的決隨住查得先該本司問得馬昂招稱出办
本銀与曹英生理又賒欠喻凱銀五十七兩不

合一向推調不還喻凱來昂鋪內將在鋪布絹
等物與火計曹英筭該銀五十兩二錢八分不
合不候昂回就行搬回去訖曹英不行阻當是
昂又不合担稱曹英見昂不在暗將貨物衣服
鋪蓋盡行推遞無存及捏周禮等賒欠布疋俱
各延調等項虛詞妄訴問擬馬昂曹英喻凱等
俱不應答罪照例納豆送寺審錄為照焉昂負
欠喻凱銀兩數多一向推調不還又行捏詞妄
告及周禮等俱係無罪之人却担各人賒布延
調不還顯有不應重情依法駁回再問其該司

雖將馬昂改問不應杖罪不知有何情弊却將
原擬照例納豆擅自改作的決送審又照前項
囚犯既擬納豆又改的決輕重自由情弊顯然
仍駁再問去後今該前司叅看得馬昂欠負銀
兩推調不還又捏虛詞誣告平人本有不應重
罪該司要為出脫混擬笞罪及見駁回改問杖
罪無計回護却作的決今見駁回反令馬昂訴
稱無力納豆執要的決切詳馬昂既出本銀与
曹英作火計發賣今問杖罪納豆不多豈得謂
之無力且笞罪有力杖罪無力恐無此理又稱

馬昂情罪比之喻凱等誠為稍輕今查原招喻凱等曹英等明貨物搬回准債問該官罪法無出入設若喻凱等果有別項重情亦是本司隱匿不招任情出脫今稱稍輕尤為乖繆所據馬昂的決仍難審允合駁再擬停當送審

受賄有祿無祿人

大理寺為違法等事據左寺案呈該刑部貴州清吏司發審犯人五名苗惠所犯合仍依犯罪逃走於受財枉法各主者通算全科無祿人八十貫本罪上加二等罪止律通減二等杖九十

徒二年半苗秀苗玉林俱依越度關津者律通
減二等各杖七十蔡丑兒苗雲俱仍依不應得
為而為之事理重者律蔡丑兒通減二等杖六
十苗雲減等杖七十云除審錄外恭看得苗惠
明招係梁城守禦千戶所副千戶雖無月俸關
支緣係五品管軍管事職官今枉法接受蘇安
等財物正該擬依有祿人從重問斷却乃妄稱
無俸請給就作無祿人科斷且律內有祿無祿
當論官職自前至今不曾有將千戶擬作無祿
人者若以無俸論之即今有授一品二品官爵

而不支俸給者豈可以無祿人斷之若以有米
論之即今總小旗軍人俱有俸米月糧豈可以
有祿人斷之顯是該司原問官吏不詳律意偏
執已見擅自擬斷欲為後日張本之故所據苗
惠招擬仍不合律難以審允

用強求索贓

大理寺為分理事刑部四川清吏司發審犯
人五名候得山所犯合依私畜產毀食私物因
而殺者減故殺驛計贓准竊盜論一百二十貫
罪止三等律減等杖六十徒一年半王通依誣

贖局騙人財物者計贓准竊盜論三十貫律減

等杖八十崔福依私放畜產損食私物者律減

等笞二十崔剛依手足毆人不成傷者律減等

笞一十侯得山崔福崔剛俱舍餘云除審錄外

奏內查得李氏告稱侯得山串同千戶葉銘指

稱親戚使令軍牢小王兒將男縛去本衛馬房

非法考打勒索葉豈二斗獨秫二石本官收接

方放寧家今招却稱侯得山赴葉銘處口告差

軍人王通將崔福套至本官處責打二十釋放

回家王王通又將崔福送上拖入馬神廟內縛

住詐說千戶著我要些豆料纔放崔福當令弟
崔剛擎獨林二石藁豆二斗傾放廟內纔將崔
福釋放切詳李氏明告葉銘勒去藁豆獨林未
審憑何證佐却令王通承認誑騙前物且葉銘
既將崔福責打放訖王通豈敢又去將伊拖趕
詐要財物崔福既見葉銘將伊放回豈肯便從
王通拖縛輒令林豆顯是葉銘使令三通勒要
前物却怕問罪草去見任買求王通招認脫免
已罪今憑侯得山一面之詞自行招出王通騙
取情由却將葉銘置之不問事大停當況招內

又隱下李氏原告葉銘前情止稱崔福將情具
告又稱葉銘一向不知王通誣情前後飭辭曲
与回護情弊顯然實難平允

聽許賍附說事過錢

大理寺為分豁田地事據左寺崇呈刑部廣東
清吏司發審犯人五名劉清所犯合依聽許財
物雖未接受事若枉者准枉法論無祿人一百
二十貫減一等律減等杖九十徒二年半王祥
依說事過錢者無祿人減受錢人無祿人劉清
一百二十貫二等律杖八十遷徙比流減半准

徒二年減等杖七十徒二年劉貴梁友俱依不
應淨為而為之事理重者律減等各杖七十劉
清梁友俱餘丁各照例做工滿日王祥係軍匠
決訖所犯杖數照徒年限拘役劉貴招年八十
以上依律勿論各著役隨往樂福山告實緣本
犯先在本部廣西清吏司問擬徒罪送發做工
未滿今仍送工部做工滿日徑送原問衙門發
落除審錄外各看得劉清雖招不合聽從梁友
許送材板令父劉貴與伊作証緣聽許財物止
坐官吏律有明條今劉清係是餘丁二擬前律

事屬示當况王祥雖稱過廷布二尺寸劉清牧
接不係官所說事過錢今擬前罪充屬示允無
又樂福山明奏梁友情囑顧郎中不行踏勘田
地聽依牧贖緣係具奏事理既已涉虛自有正
律却作疑告招開上屬未明通難平允合將劉
清王祥樂福山梁友駁回再問明白送審內劉
貴審擬合律如無干問先行依擬摘發

詐偽文書

大理寺為詐偽事陝西道監察御史發審犯人
高政等伍名俱犯該詐為內外各衛指揮使司

文書套畫押字者律皆絞秋後處決案照先該
本道問擬各犯前罪送審為目招罪未當已駁
再問去後今又送審除須審外查得都對白玉
原捉獲犯人秦順等詐寫批帖內一張開稱錦
衣衛差舍人秦順前往陝西布政司查勘天順
五年

御馬監太監打下家人陳山等并太監監寺中到
淮鹽三千七百引搬送司禮監太監秦差人查
勘何年月日該支有無回幫又抄白揭帖一張
內開錦衣衛指揮袁差舍人秦順并旗校五人

前任陝西等處公幹體訪揀查家民楊方等八
百餘名在於朝邑縣大慶關等處作耗及拏
滿四家人解送赴京續該陝西按察司問得犯
人秦順即高政等五名俱犯該誑賺局騙人財
物滿貢徒罪解送都察院詳審發落改擬絞罪
送寺審錄伏覲

大明律內一款開詐為將軍總兵官五軍都督
府六部都察院都指揮使司內外各衛指揮使
司守禦緊要隘口千戶所文書套畫押字盜用
印信及空紙用印者皆絞欽此切詳律意凡詐

原缺

各一角收藏在身帶同家人杜保兒等前到通
州路河驛取出假關文付與驛丞張哲分付抄
閱被張哲看無字跡查理間瑯又將前項公文
二角取出與張哲詐說我見賣兵刑二部公文
在此你如何不与船隻等詞切詳杜瑯假寫關
文既開有郎中等官三員節次奏告又稱有楊
銘鄭本等姓名今查潞河驛申文上稱有不知
名一人騎馬稱為都指揮帶領五人并行李等
件到驛推原其故比時同行詐偽之徒非止一
人况又招有老冷董先生等偽造印信今老冷

等既不在官鄭本等又不追究止憑本犯招出
前項詐情別無同謀一人指實証佐事屬未明
兼且本犯奏稱鄭本等將兵部勘合與當銀兩
今招於總鋪內買到勘合二角該是勘合果係
總鋪內買來必有本鋪收掌之人賣與今不追
究的確拏問明白却稱於失記名鋪兵處買到
勘合到鋪必有赤曆簿籍記寫時刻及遞送之
人却作失記名鋪兵處買來尤屬未當以致本
犯展轉生詞推稱止是跟隨鄭本等前去索債
並不知前項詐偽情由不肯服辯係干重刑有

碍平允

詐傳詔旨及詐稱諫院

大理寺為審錄罪囚事據右寺紫呈該山東道
監察御史開詳犯人葉積等二名葉積所犯合
仍依原擬詐傳

詔旨者律鄭德詐稱諫院寺官在外體察事務欺
誑官府扇惑人民者律各斬俱秋後處決俱重
刑請

旨除恭詳外看澤素積明招假以都察院名目出
給批文偽填旨意將自己詐寫作本院辦事官

葉迪鄭德詐爲作錦衣衛百戶鄭權名字在外
體察事務緣前項詐僞俱係葉積造謀捏寫詭
名要行詐騙財物其鄭德不過隨從聽使之人
而已別無自行詐稱官員名頭情由今問前罪
事屬不當况錦衣衛百戶又非諫院寺官及無
扇惑人民情節亦難坐擬前罪且本內葉積詐
寫旨意係是捏造詞語今却一體高臺尤屬有
違兼又圖書爲作圖畫亦屬差錯俱碍類奏合
駁查究明白仍行原問衙門再行從公鞠問停
當重別開詳

奏事不實

大理寺為不應等事據左寺案呈該刑部貴州清吏司發審犯人六名翟俊所犯合依不應得為而為之事理重者律減等杖七十云與供明張回子等五名各著役隨住生理除審錄外奏內查得張回子明奏被沈順將父銀三百餘兩拐往原籍去訖及後來京同妻往丈人陳興家住過為目誑騙被牙人翟俊告發送兵馬司監追銀兩三箇餘月初不知情節今知沈順不審在何地方將白鉄盤盞送與弓兵蘇寬脫身

逃走致家獲無家無張昂不在回子被捉到官
這要沈順回子並不知沈順誣騙情由不准供
說止聽差後通同客人賈囑終日償打無從得
獲被差後倚恃強凌客人勢力俱被用強誣執
年小力弱不架脣打抵對又不曉作何問擬等
詞具奏緣前項奏詞俱係妄誕言語今本內明
係張回子出名妄奏却乃憑空捏作張昂捏詞
偷寫張回子名字設若果是張昂捏詞緣何官
府挨提則稱在逃累次奏訴則是本犯今又遂
其奸計不行挨拏究問輒將張回子問擬供明

發落以致奏事不實之罪無人承認况查照出
項下止稱麴錢待張順等回家至日徑自理取
亦不照提張昺等問罪不知前項徒罪何以消
滅所據今問招擬俱屬未明難以平允

不應

大理寺為不應等事刑部貴州清吏司發審犯
人四名田旺吳旋林文廣所犯俱合依不應得
為而為之者律減等各苦三十俱審而力各照
例還水和炭完日与拱明馬嗣各還役辦事除
審錄外各着得林文廣既与考滿副使王應奇

平昔熟識自出己紙曉伊書林心是人情常事
田旺等開篇之時林文廣在堂審看考滿官員
不知前情有何不應情即况查林文廣訴詞明
開王應奇考滿在部央畫梅花有何隱下重情
此時央畫梅花說稱完日以禮相謝亦是朋友
常談有何添捏虛詞今坐林文廣前罪事屬不
當若林文廣以此坐罪其主事趙文不查林文
廣不係承行該吏逼令王文奇共供林文廣索
要用紙寫梅四幅虛誦不合提問况招內本司
雜職科典吏不開姓名苑屬遺漏俱難平允

大理寺為欺公玩法盜賣官馬等事據左寺案
呈該刑部江西清吏司發審犯人二名趙信李
旺所犯俱合依不應得為而為之者律趙信事
理重等減等杖七十李旺減等答三十候孫官
各照例納贖元日與供明鍾宏各遞職署役除
審錄外各著得李旺趙信既招同借耿氏銀兩
各倚官勢分文不還及至取討各將耿氏叫罵
意要圖賴銀兩被耿氏告發今趙信既問不應
杖罪其李旺不知有何分別却擬官罪若謂李
旺借銀三兩趙信借銀九兩緣所坐之罪只因

倚勢不還三在借銀多寡今却以此分為輕重
事屬不當以平允合將李旺駁回再問明白
送審內趙信等二名審擬合律如無干問先行
依擬摘發

詐稱美道得財

大理寺以詐偽事四川道監察御史發審犯人
一名譙譙所犯合依原擬詐稱官司差違而捕
人若得財者討贓准竊盜論一百二十貫罪止
律減等減一百徒三年係舍人審有力照例送
工部工部不完日發回原衛隨住除審錄外外參者

得譙雄招稱有白堅闇昭許敬趙貴秦政方必

等各八分投前到四川漢綿新都離江等州縣

詐作天子賊校尉共得銀五兩細布十疋香附子

一斤主心紅一斤兩傘一把回到四川城內各

人分用確分銀一兩五錢直鈔一百二十貫事

茲巡按御史金問詳京行至荊州脫逃又控安

遠等縣詐要銀兩等物問該前罪切詳譙雄等

分投各處詐取銀兩細布等物各人分用緣係

盜贓律以上主為重併莊論罪今招共得銀兩

細布等物若干不見明開以何主為重却將各

犯詐取均分之物混作一處計贓科罪事屬不當况焦雄胆罪解京中途脫逃亦有正律今擬前罪尤屬不明俱錄平允

奸姪婦

大理寺為巡捕事據左寺案呈該刑部陝西清吏司發審犯人五名池友才三氏所犯俱合依和奸有夫律減等各杖八十胡氏沈全俱依不應得為而為之事理重者律減等杖七十性謙供明除審錄外案內查得池友才先在兵馬司供稱將姪八宗并妻王氏搬在本家住過不

合設計令姪出外討米是友才向王氏調戲求
奸不允友才用言詐說將你殺死就在本家奸
訖今池友才却招孫廣係元妾張氏帶來之子
改名戴榮贊與王氏為婿友才見伊艱難取回
到家同住著今孫廣穿友才白布衫出外討米
被債主剥去孫廣惧怕逃走不知去向友才將
王氏調戲求奸王氏依允友才各不合通奸
有妻胡氏勸諫友才嗔恚趕打胡氏不知孫廣
來歷就行言叫友才將姪婦奸宿被地方大甲
捉獲等情切詳胡氏係池友才繼妻相娶十餘

年間豈有不知孫廣來歷設若孫廣果係異姓
兒男其池友才豈肯娶王氏子伊為妻反至兵
馬司審供之時既係兄妻張氏帶來之子豈肯
供作親姪妄認奸宿姪婦重情恐是池友才要
脫重罪捏出孫廣異姓緣由雖稱審勘明白中
間恐有扶同情弊難便確信且池友才先供与
王氏求奸不從嚇說殺死方終奸訖今未審憑
何證佐却招比時怕打妄供前情事屬未明况
孫廣出外討朱被人剝去衣服別無大故却稱
逃走不知去向中間恐有別項謀害情節尤恐

強盜俱難平允

強奸

大理寺為巡捕事刑部廣西清吏司叅審犯人
十四名郎六十所犯合依強奸者律絞秋後處
決李旺依棄取人器物者計贓盜論一百
貫律為郎六十從杖九十徒二年半郎信若告
姜清母張氏將銀二兩六錢送與校尉徐黑廝
接受將清等送於得實徐黑廝合坐以受財枉
法無祿八一百二十貫律絞今虛依誣告人死
罪未決者律減等杖一百徒三年實等九名

俱依不應得為而為之事理重若律減等各杖
七十張五依豪強之人索賄物若計贓在不
枉法論二十貫律通減二等杖六十照律依罵
人者律減盡無科三除害錄外恭看得郎六十
招稱同熟識人賈福亭後到於張貴家与石氏
飲酒曰伊親余廣到家不曾成奸本日晚石氏
崔倩無夫二人擡去伊妹家探望回到東城牆
下六十遇見不合要得強留本婦奸宿手拿切
刀將轎夫喝散却將石氏扯到餘丁張福家不
容安歇又行拖回本家有軍人姜清聞知買酒

前來慶喜次日早有父郎敏知覺趕打六十却
挽熟識人張成將石氏引往順城關外姐夫李
贊家暫住遇晚又領回家奸宿切詳強奸之事
必曰婦女不從被其按倒扯破衣服用強奸訖
繞謂之強今石氏原係淫婦郎六十平昔既与
飲酒情熟在街相遇戲扯求奸亦是常事雖稱
郎六十擎刀將轎夫喝散比時石氏緣何不行
在街叫喊却乃依順跟隨六十沿門投宿及回
本家奸宿之時其夜姜清前來慶喜石氏又与
各人欣然同飲恣意奸淫次早郎六十父知覺

趕打石氏又與張成出外躲避至晚又領回家
奸宿往來奔走唯聽命何以謂之強奸今將
郎六十輕問前罪以致本犯執稱冤枉不肯服
辨緣係重刑事欠停當有碍類奏

大理寺為不應等事刑部湖廣清吏司叅審犯
人二名張仁所犯合依棄毀人器物者計贓唯
竊盜論五十貫律減等杖一百係冠帶合人趙
氏依不應得為而為之事理重者律減等杖七
十云除審錄外查得卷內趙氏明告張仁先偷
伊鞋二隻後將鞋來刀氏要奸被罵去訖天順

八年四月十七日一更時分五月二十八日六月初二日節次掘剗吊窓用言勒要欺奸被氏喊叫本人發惡罵去十月二十九日有夫蘇聚來京上操不在張仁又以送碟子來言稱今日不從務來殺死氏惧怕將窓砌壘又被本人跳過牆來將氏採倒強奸氏堅執不從咬伊手指終方脫放十一月十五日將氏及幼女用棍打傷成化元年三月初三日又將苦打採去頭髮咬傷反將夫蘇聚欺打扯破衣服等情今張仁却招先言趙氏有奸恐伊夫知覺節云求奸不

從將伊打傷切詳張仁倚恃兇惡將趙氏強
奸不從苦被欺打以致趙氏不得已質告于官
却又誣其革前舊有奸情設差趙氏舊日果与
張仁有奸情意已洽伊夫不在若得張仁越牆
求奸必然喜允豈有不從被打之理今招前曰
似与張仁掩飾強奸未成之罪况查趙氏所告
情節俱有來歷及審本婦口詞執稱平日妾無
奸情今將告詞隱下却招本婦隱下革前有奸
坐擬各犯前罪事屬未明難以平允
大理寺為巡捕事刑部浙江清吏司發審犯人

三名張全所犯合比依強奸者律絞秋後處決
張友依不應得為而為之事理重者律減等
七十陸氏供明云除審錄外索照光該本司問
擬各犯前罪送審為因張全有詞不肯服辨已
駁再問去後人等又送審復審據張全執稱先與
陸氏奸宿年久情熟因伊為事將被卑梅子當
在飯店內後喚陸氏同去取贖就與奸宿及審
陸氏云稱與張全奸宿一二年之上張全將布
褥布被就在氏家與氏宿歇是氏妻將伊被褥
當在飯店內豈情切詳張全既與陸氏奸宿年

六三有強奸之理今不行拘開店之人審問有
無當被褥情由無使招作妄捏虛詞既奉陸
氏果無通奸情而其父陸義雖稱年老亦必
言要告豈有默然無言況查錦衣衛委官原
張全強搶良家婦女姦宿今招陸氏先日伊夫
縱容与人通奸問罪是乃淫婦未審何以謂之
良家婦女凡強奸必是婦女不從扯破衣服咬
傷肢體方謂之強今稱張全與陸氏奸宿三夜
後又依聽藏放略無一言要告未審何以謂之
強奸今却不行究問實情無依原發比擬前律

以致本犯違日稱寃不肯輸情服罪係干重刑
有碍類奏

大理寺為不應等事據左寺案呈該刑部山東
清吏司發審犯人三名宮劉所犯合依強姦者
律絞秋後處決劉氏依不應得為而為之事理
重者律減等杖七十朱氏依手足毆人不成傷
者律減等笞一十劉氏係婦人單衣的決朱氏
依後下手理且若減盡無科各隨住緣宮劉係
重刑請

旨除審錄外各着得官劉明招朱氏來家看望置

酒與劉在坑飲至二更待分朱氏要行回家劉
說夜深了你在這裡歇了罷朱氏依聽在坑與
劉說話間有妻劉氏先行睡卧劉不合與朱氏
求奸用手拖搯朱氏不從聲叫劉氏起身將朱
氏頭髮採倒打訖兩掌劉將朱氏左腿打訖兩
拳搯去小衣用強奸訖朱氏要走回家劉將門
拴住不容回去劉怕伊告狀潛與妻劉氏商議
朱氏明日告我強奸罪重我如今再去奸他你
只做不知來將我門打罵便告也只做個和奸
又去坑上將朱氏按倒行奸劉氏點燈前朱將

劉打訖數掌掄劉去前房睡卧次日天明朱氏
回家与伊母陳氏說知陳氏恠恨將朱氏赶打
朱氏走來劉家叫鬧劉氏又将伊採打以致朱
氏告發切詳朱氏係是寡婦却乃全無廉耻前
去官剛家買酒飲至二更時分同坑宿歇嬉笑
自若和奸之情不言可知豈有不從被打用強
逼奸之理設若朱氏果被官劉強奸採打有傷
必然嗷叫奔走出門隣佑人等豈不知覺其官
到必倉惶求免拖搭不及又何暇与妻劉氏
潛議再与朱氏行奸遮掩前事朱氏亦豈肯仍

前在坑安卧以待宮副復來奸宿前後情節全
說不通况審據朱氏執稱彼時妾與宮副和奸
既被伊妻劉氏辱打又被氏母陳氏打罵以此
害羞誣賴宮副強奸今却不行鞠問真情輒將
宮副坐擬死罪以致宮副劉氏俱各叫冤不肯
服辯係干重刑有碍類奏

買休膏休二駁

大理寺為不應等事湖廣清吏司發審犯人六
名劉成所犯合依詭騙局騙人財物者計贓准
竊盜論一百二十貫罪止律減等杖一百徒三

年李氏若告李勉同兄李聰接受銀兩將許氏
賣與劉泰為妾得實其李聰合坐以不應事重
杖八十今虛加誣三等律減等杖一百許氏依
刁奸律減等杖九十劉泰彭清俱依不應得為
而為之者律劉泰事理重者減等杖七十彭清
減等笞三十劉成照例運水和炭許氏係奸婦
給與伊母李氏暫且收領候族李李勉三日從
其嫁賣_三除審錄外各看得到劉成明招劉泰對
李勉勸說便到官這婦人也要斷与你嫁賣我
如今已娶了半年你若不要他等我就還你些

財禮錢李勉不合依允劉泰當倍銀五兩白羅
青布各一疋與彭清作證過与李勉收接寫立
休書一紙與劉泰存照依此招詞劉泰等顯有
買休賣休情節今擬各犯前罪事慮未當難以
平允合將劉泰許氏彭清駁回再問送審內劉
成等三名審擬合律先行依擬摘發

大理寺為不應等事刑部湖廣清吏司發審犯
人二名劉泰所犯與彭清俱仍依原擬不應得
為而為之者律劉泰事理重者減等杖七十彭
清減等笞三十許氏依刁奸律減等杖九十一

許國係姪然二太之姪夫嫁賣緣伊夫李勉
先受劉泰銀物之約已是嫁賣人致合仍給與
劉泰隨住除二審六案照先該本司問擬各犯
送審為因招情未明一二三門三後今又送審
衆看得劉泰明招李勉知許氏不成人引轉
賣與泰為妾前云云云云云云云云云云云
該從夫嫁賣人送自今將前賣約字據賣為
當知不合受銀三兩云云云云云云云云云
嫁與泰仍留為妾泰又不合憑彭清作證立約
與泰存照切詳許氏先被劉成刀引賣與劉泰

為三今伊天李勉尋見劉春自合將許氏首官
仍還李勉聽其嫁責願留者聽却乃暗將銀兩
羅天勸令李勉接受仍買許氏為妾其買休賣
休之情昭然可見今不依法問斷煙將許氏膝
臙給與劉春隨住况劉春先不詢問來歷輒娶
許氏為妾已自有罪後被伊夫尋獲用財買休
又復違律今將許氏斷與為妾非惟遂其奸計
抑且有年事體仍屬不當難以平允

提解人犯

大理寺為不應等事刑部貴州清吏司叅審犯

人三名梁聰所犯合依受財枉法有緝人五十
五貫律減等杖一百徒三年潘騰依犯罪逃走
於誣告李氏不應事重加誣二等本罪止加二
等律減等杖七十徒一年半李氏依越度關津
者律減等杖八十除審錄外叅看得梁聰明
招成化六年九月內李氏捏稱夫弟潘騰將家
財霸用侵謀祖產事情告送到司將李氏轉發
該衛要知事張鑑審勘明白連李氏潘騰呈繳
到衛要行起解間是聰不合乘機對伊索說你
与我些酒錢替你方便潘騰將銅錢四十文送

聽收接就赴本衛掌印指揮張真處稟說潘騰
患病應令休管致蒙准信將潘騰召人暫領出
外李氏上在外聽候潘騰逃往保定府縣住聽
見本司行文催提將潘騰捉獲及要拿李氏一
同起解李氏聞知惧怕將布八段到於聽家要
得買求不解是聽枉涉接受前布朦朧赴指揮
張真處稟說李氏在逃無從捉獲難以起解致
蒙准信將李氏一向賣放在外不行拘拿切詳
張真係本衛掌印官員節次信憑該吏梁聰朦
朧稟說將提解人犯潘騰業接受銀布賣放

逃延經一年不行起解以致事無完結該司累
行催解張真緣非木石目何略不究心中間若
非受財亦有聽囑延縱情由今梁聰既已問出
贓罪其張真却乃拘情回護妄稱無干免提事
有欠明難以平允

不覺失囚并淹禁

大理寺為脫逃犯人事據右寺案呈該刑部雲
南清吏司叅審犯人二名吳興所犯合依獄卒
不覺失囚減囚劉福竊盜得財一百二十貫為
從通減二等罪二等律杖六十徒二年左寬係

獄典減獄卒罪三等律杖八十三除案錄外各
看得與移稱本府將問完徒罪囚犯顏毛兒段
五十八劉福發下本司監候行查得段五十八
劉福鄉貫是的顏毛兒貫址查理未報有司獄
劉愷獄典在寬不合不行嚴督與等用心看守
以致劉福越監脫逃段五十八顏毛兒陸續在
監病故等情問該前罪切詳順天府衙門既設
司獄官典必有提牢巡風官員今却輒憑吳興
一面之詞止招司獄劉愷獄典左寬不行嚴督
以致失囚其提牢巡風官員不行查提究問事

屬未當况段五十八劉福鄉貢既已查報明白
別無追勘事理因何淹禁不行起發以致身死
其當該官吏未審有無合得罪名六屬未明俱
難平允

故勘平人附詞駁

大理寺為人命等事據左寺案呈該刑部山西
清吏司發審犯人十三名黃榮所犯合依官懷
挾私讐故勘平人因而致死者律斬秋後處決
周順周名周英陳敬吳海俱依不應得為而為
之事理重者律俱減等鄭友等七名俱供明

除審錄外奉者得黃榮雖招回追月錢將鄭祥
責打二十身死緣鄭祥係是黃榮伴當此時呼
喚來家未審委是追考月錢惟復拘伊使喚先
前小甲呂貴狀訴黃榮使令呼喚鄭祥赴官使
用不知因何病死反至檢驗之時呂貴却供黃
榮令責呼喚鄭祥討要月錢為無恠打目傷身
死前後情詞不一今問供明事屬不當况黃榮
節訴實驥等挾讐唆使鄭友告伊因取月錢打
死鄭祥歷情今屍場內又憑實驥等供稱鄭祥
因欠月錢被黃榮責打回家身死緣各犯既供

黃榮許告當涉嫌疑回避却乃公然証佐所供
情狀俱係一手書寫中間恐有情弊兼且周名
許稱鄰友帶領王英等二十餘人綁打邀搶取
服等件今招實驤王英等將周順拖扯到家要
行綁縛其實驤等亦當有罪却擬供明允允允
當以致黃榮連日稱冤不肯服辨係干重刑有
碍類奏

大理寺為人命等事據左寺案呈該刑部山西
清吏司發審紀人一十四名黃榮合依原擬官
懷挾私讐放勸平人目而致死者律斬秋後處

峽陳啟吳海周順周名周英黃驥呂貴王英俱
依不應得為而為之事理重者律俱減等各杖
七十各酌減內周英係周順父依家人共犯免
科鄭友黃贊師禮門寧張氏俱供明各著役隨
仝具本送來審錄復審得黃榮供稱成化七年
正月三十日自拘養性戶鄭祥收办鵝彈來遲
將伊責打二十回家至二月初五日不知何病
身死被伊弟鄭友告送刑部該司委官勘驗止
憑有讎署正辛堂等串同驢人竇驥等妄供作
追取官錢將鄭祥打死問擬斬罪送審是榮思

係冤枉不肯服認駁回仍問前罪情實不甘為
照黃榮番異原招并實驥等事有干對除取黃
榮供詞在官外理合案呈施行案呈到寺圓審
相同合仰左寺抄案粘連供詞照例行移都察
院調問明白議擬回報施行

受財故縱強盜越獄

大理寺為不應等事刑部陝西清吏司發審犯
人十一名三政所犯若告千戶王洪同軍餘張
全陳禮用錢買囑經厯虞信將伊原申文不行
反將王洪等捏詞妄申在官得實虞信合坐以

當該官曉從囑託事已施行者律杖一百今虛
加所誣三等律通減二等杖六十徒一年張全
李友若告王政令男王泰前來問監將趙昇等
拷打各犯贖銀八兩与王泰等接受將枷鎖開
放越城逃走李秉五若告越獄強盜許良等將
贓布等件与王洪買免各得實王政王洪俱合
坐以受財故縱與囚同罪律各絞今俱虛依誣
告人死罪未決者律張全為首与李秉五通減
二等各杖九十徒二年半李友為從通減三等
杖八十徒二年王洪王泰俱依不應得為而為

之事理重者律通減二等格六十云除審錄

叅者得王政招稱曰無庫房將賊贓放在監房

過梁上被強盜趙昇等反獄連贓物劫去後張

全李友將趙昇捉獲交与李秉玉看守政同男

王泰等前云討要趙昇帶領行走不合嗔恠沿

路打死仍將本屍賊送監內詐作病死及查張

全李友捉獲趙升之時供稱成化七年十一月

廿八日夜王政令男三泰等三人前承開監將

各犯拷打不過只得銀八兩与王泰等收接

將枷鐐手紐開放逃走妻被王政父子前後受

銀七十兩棄騙騎馬一疋等情切詳三政父子
若不受要贖物如何全不點視枉錄任從各犯
逃走及至被人捉獲王政若非惧其許出受贖
真情緣何輒便沿途打死既是打死本賊若無
奸弊因何將屍馱送監內詐作病死顯是日前
受財賣放今被捉獲要得泯滅踪跡就行打死
以圖幸免况張金等所首既有的確數目又有
指實來歷今不究問明白止憑各犯一面之詞
候作証告招開中間恐有買求招回出脫重罪
情由且鎮撫問因宣無廳房可以收貯贖物今

稱將贓放在監房過梁上被賊劫去緣比時各
賊要逃荒張無措豈暇劫取贓物顯是王政等
侵欺前贓入已乘機捏作被賊劫去尤難確信
所據前項招擬俱屬未明有碍平允

班匠

大理寺為巡視事刑部廣東清吏司疏審犯人六
名劉成廖成蔡昇李讓同信楊昂所犯俱合依受
財枉法無祿入一百二十貫律各絞照例做工
五年滿日各著役除審銀外看得到成明招鉄
匠王從禮等四十五名各齋勘合來京輪當班

次成等每名要銀一兩五錢八已將王從禮等賣放回家至成化八年正二三月却將王從禮等勘合公去工部各司用印批工改執以待各匠輪班來京仍舊賣放切詳各司印信俱有官員收掌從滿批二志有簿籍稽考若非官吏通同其匠作之人豈能公然作僣用使印信劉成止稱公去各司用印批工不見招出前項印的係何人收掌劉成等緣何得以公用及批工筆跡的係何人填寫劉成等曾無用財買求設若劉成等果是公去各司用印見今該司掌印官

員應否不行提問所據前項招情俱屬未明難以平允除駁再問明白送審

革前罪名

大理寺為官軍強奪小民田土山場等事據右寺案呈該四川道監察御史開詳犯人一名曹文郁所犯合依原擬豪強之人強奪良家妻姦占為妻者律絞秋後處決保重刑請

旨除叅詳外着澤曹文郁明招成化元年十月十七日前到青城縣城內賃到民人孫友志空房將流民余五綱妻周氏搬來同住姦占為妻五

年有餘緣前項事情犯在革前其原問官吏却
乃不行查照朦朧問擬絞罪監禁人難況本條
無豪強字樣及招內止稱左護衛又不知是何
王府所屬俱屬未明合駁查理明白如果事在革
前宜從都察院徑自查行照例發落若是招情
差錯轉行原問衙門再問明白重別開詳

追究原問

大理為陳情分理謀爵陷命等事刑部廣東清
吏司發審犯人四名費溥所犯合依子毆母者
律斬決不待時曹氏戴氏陳氏俱供明各隨住

內費漚係重刑及應議官子孫通行請

旨除審錄外表內查得先該本司問得犯人費漚

招先与弟費淮爭鬪父爵告官奏蒙將爵断与

費淮承襲訖漚一向在外不曾回家有父費釗

遺下家財房屋田庄家人俱是庶母朱氏收掌

是漚要分疑是庶母獨占及捏伊父朱瑛通同

父使女曹氏将家財轉遍等情問擬費漚不應

杖罪發落訖今費漚招称不合将嫡母朱氏回

罵狗婦又用手推抵一下倒在影牆上消庶母

曹氏扯勸漚又将曹氏打訖二下誣告嫡母朱

氏竈藏家人王文在房奸歇奸夫李端控來行走又担朱氏係聘娶為妻曹氏等俱係使女等情問擬費漣犯該毆母斬罪又查得先因漣妄爭伯爵該三法司官會問明白題奉

聖旨費釗存日既封朱氏為夫人他生的子當襲爵費漣這厮再來妄爭打攬不饒欽此切詳朱氏既係費釗存日受封夫人又該法司行勘得朱氏的係費釗繼妻奉有前項

欽依事理其朱氏係費漣繼嫡母昭々明矣後費漣告爭家財該司原問官吏未審有何緣故却

憑費漣將朱氏招作庶母曹氏等招作使女止
擬杖罪發落以致出脫費漣誣告母死罪今未
及數月費漣又將朱氏打罵問該前罪前後招
擬自相矛盾有所據先次原問官吏移情作弊理
當拏問況費漣連二不肯服辯合駁通行究問
明白送審

大理寺為陳情分理謀爵陷命等事據左寺案
呈該刑部廣東清吏司發審犯人四名費漣所
犯仍依原擬子毆母者律斬決不待時曹氏戴
氏陳氏俱供明隨任內曹漣係重刑及應議官

子孫通行請

旨除審錄外案照先該本司問擬各犯送審為目
前後招擬不一顯是先次原問官吏移情作弊
已經駁回究問去後今又送審者得費漕招稱
先次原問官吏不知漕等在本部四川清吏司
爭爵案奉不曾行查及嫡母朱氏不曾奏提在
官無人質証止據漕招將嫡母朱氏作庶母名
色問擬不應杖罪發落等詞切詳費漕先次誣
告朱氏之時該司雖不曾奏提朱氏到官緣比
時已有曹氏等在司問理非是金無執証之人

雖不曾行查四川司案卷緣本司卷內已有朱氏節次奏訴情詞備開先年奏奉

欽依事理非是全無案卷可查却乃不依公道推問故將朱氏招作庶母脫免重罪情弊顯然以致費溥得以為詞連日不肯服辯合駁經自呈堂調司通行究問明白送審

大理寺為不應等事據左寺案呈該刑部山西清吏司發審犯人一名朱氏所犯合依居夫喪而嫁餘親主婚主婚為首律減等杖九十係軍職正妻照例納鈔完日隨任素照先該本司問

擬朱氏前罪送審曰係軍職正妻例該具本送
審該司原問官吏故違前例移牒審錄已駁再
問及查究去後今又送審除後審合律外恭看
得朱氏既是軍職正妻本司原問官吏故違定
式牒送審錄及三駁用查究却乃隱下官吏違
式情由不行呈堂查理叅奏擊問又不照出另
作施行止是朦朧具本送審事屬有違難以准
允合駁徑自呈堂調司將原問官吏叅擬究問
送審其朱氏果無干問先行依擬摘發

各執一詞

大理寺為強賊劫奪財物事浙江道監察御史
發審犯人梁智等五名梁智孫青所犯俱合依
強盜已行而但得財者不分首從律皆斬決不
待時吳諒依不應得為而為之事理重者律減
等杖七十緣犯在革前免科占供明包鑑王浩
各隨住查得先該鎮守通州都指揮同知陳達
將審出梁智等強劫緣由具題奉

聖旨送都察院問欽此今問各犯前罪緣梁智孫
青俱係重刑及奉

欽依送都察院問人犯請

旨除審錄外據梁智執稱成化元年八月二十九
日智與孫青同往劉宋家莊趕集回到張家庄
住人福山家喫飯至申時分到於林亭口本庄
孫青地內有今知名王全等不知何處買賣經
過各將馱騾撒放在地食踐屬林孫青看見占
伊爭鬧採打被王全手執猪鉤將孫青打傷昏
死倒地是智向前分說王全等因見孫青昏死
要得抵賴却將自己馱駝布疋捏稱被智等打
劫當將智綁縛送到本村火甲楊增等因見孫
青傷重扛擡告送寶坻縣王全聞知將智送

縣有本縣知縣陳讓在日先与季指揮家看庄
在縣告量地土不均爭鬧有鑿將智等苦拷逼
認強劫情由問擬前罪實是冤枉又審得包鑑
執称前項月日鑑与王金將帶布疋前往劉宋
家庄貨賣天明時分行至草場遇強盜二人騎
坐馬疋手執弓箭向前截住喊叫殺了鑑等惧
怕走躲被賊將駟鞍布疋搶劫用馬稍帶去訖
是鑑等不舍襲趕前到陳家庄屯遇見過往人
言說前頭二人騎馬駟布的是季指揮家看庄
人梁智孫青鑑等得說就任在本庄熟識人薛二

家將駝寄下另借馬匹弓箭沿路跟趕不期
各賊投入張家庄店家買飯喫用鑑等閃過先
到林亭口住人尹良家將弓箭解下脫換衣服
王金借猪鉤一把鑑執木棍一根在於本處石
橋邊等候至申時分果見各賊來到下馬過橋
間被王金先用猪鉤將孫青鈎住打傷梁智棄
馬奔走鑑等趕上綁縛同地方火甲人等連
贓仗馬疋捉送本縣解來問罪據此恭照梁智
包鑑等所訴前情各執一詞未委虛的緣無証
佐係千重刑難以類率

招情不通

大理寺為負欠財本控謀架空陷害等事刑部雲
南清吏司發審犯人七名李安所犯合依強姦未
成者律減等杖一百徒三年年融依當該官聽從
曲法囑託事已施行者律減等杖九十嚴海等三
名俱依不應得為而為之事理重者律減等各杖
七十三氏徐恭俱供明三除審錄外恭晉得李安
招私鎮撫年融不合令軍牢嚴海將王氏拖搶送
監王氏不服嚴海不合用強拖搶致將王氏身穿
藍綿布裙白綾布褲并原帶金簪二根金釵頭一

箇及手帕包頭俱各搭落被不知名人拾去等詞
切詳半融喝令嚴海將王氏拖搭送監必在本衙
門內豈有拖落首飾衣服被人拾去之理况首飾
容或搭落其布裙布褲穿在身上豈有搭落在地
之事所招前情可見妄誕又招半融執稱王氏前
項首飾衣服委被軍牢強搭失落情願償還此等
發落未審照何事例事屬未審且招內既招陳
璣執棍將李泰打訖數下以後獲獲陳璣到司隨
即脫走一向檢拿不獲所據陳璣上有應得罪名
今不照出另行充屬未明合將李安王氏嚴海等

駁回再問明白送審內趙等三名審擬合
律如無干照先行依擬摘發

年月顛倒

大理寺為強劫事據右寺崇正該廣東道監察
御史開詳犯人一名葉羅富所犯合依原擬同
謀共毆人因而致死若以致命傷為重下等者
律絞秋後處決係重刑請

旨除叅詳外看得葉羅富招稱成化二年三月內
陳氏將伊男駁陽呂孫在羅富家病故情由說
與龍淵蔡祖誥本年四月內龍淵等同總旗蕭

達等指以換勘軍丁為由將羅富妻廖氏鎖打
本夜二更時分廖氏令人前來庄所報知羅富
等回家與葉三等各將龍淵等毆打次日是羅
富與各人謀要將龍淵等痛打因而打傷又稱
本年四月二十九日臺去巡檢司至本月三十
日臺回身死切詳龍淵等四月內捉拏葉羅富
妻廖氏鎖打既無日期緣何却稱本夜二更時
分廖氏令人報知葉羅富等回家且本夜葉羅
富自庄所面家未審是何日期將龍淵等毆打
緣何又稱次日葉羅富等謀將龍淵等打傷况

先招本年四月內後却又招本年四月二十九
日將龍淵等擡去巡檢司前後月日含糊顛倒
俱屬未明係于重刑有碍類奏合駁叅查明白
重別開詳

朦朧不論功定議

大理寺為會淫等事據左寺案呈該刑部貴州
清吏司發審犯人三十二名陳嵩所犯若奏趙
雄等八名不當差使每名辦納白銀二兩四錢
各直鈔一百九十二貫送倪通收接得實倪通
合坐以受財枉法有祿人八十貫律絞今虛依

誣告人死罪未決者減等杖一百徒三年鄭祥
倪通俱依奏事詐不以實者律減等各杖九十
徒二年李勝等十名俱依越度關津者律減
等各杖八十王不曉事等三名俱依不應得為
而為之事理重者律減等各杖七十陳嵩係操
官倪通係職官各照例運磚鄭祥係逃役軍人
董璉係識字軍俱照例做工各完滿日王不曉
事係操軍趙雄係養馬民李勝趙雄魯有才張
和尚俱操練餘丁劉興沈阜陳貴張旺俱匠餘
徐氏朱氏俱婦人單衣各的決錢氏等十六名

俱供明各還職着從標備隨住審錄間續該本
司手本開稱數內犯人丁貴於成化元年八月
一十三日夜四更時分病故住審等回到寺除
丁貴住審外參看得陳嵩招任直隸天津衛中
所百戶倪通招任本衛指揮使各犯該前罪緣
係軍職律合論功定議今既擬還職却不論功
定議照出項下雖稱陳嵩奏被倪通將軍餘沈
真等出辦銀兩及鄭祥奏陳嵩占種草場屯地
俱候行勘至日發落又不開陳嵩倪通即今作
何處置事內何人仍該監候或送羈管及行勘

至日應否重問送審惟復徑自發落况丁貴未
審是何囚犯在何去處病故有無別項違碍通
屬朦朧難以平允合將陳嵩倪通鄭祥駁回再
問送審內李勝等二十八名審擬合律如無干
問先行依擬摘發

含糊私債一人命二

大理寺為不應等事刑部廣東清吏司發審犯
人三名時榮所犯合依盜官畜產者以常人盜
官物論八十貫律絞照例做工五年滿日韓璜
依不應得為而為之律減等笞三十係操軍官

照例納鈔完日李旺供明各還職隨住看役除
審錄外叅看得時榮雖招將韓璜官馬盜騎回
家緣韓璜欠伊私債未還比與憑空偷盜不同
况前項馬疋未曾印烙時榮憑何知是官馬其
訴韓璜將伊家帶來馬疋准還銀兩情有可推
兼又韓璜明告前去帥府點視回還將原領官
馬全付鞍轡拴繫下處不期時榮不由分說用
強將馬奪去准折私債依此告詞時榮所犯又
恐自有正律今擬前罪事慮未當且時榮既招
不合利上起利合將該潯本利銀兩明白算還

今照出項下止稱原欠銀兩出外加還不見該
還若干數目尤屬含糊俱難平允合通駁回再
問明白送審

大理寺為人命事刑部廣東清吏司發審犯人一
十三名朱璣所犯合依故殺者律斬秋後處決
蕭官保依受財枉法無祿人一百二十貫律絞
照例做工五年李成昇能丁氏俱依詐贖局騙
人財物者計贓准竊盜論免刺一百二十貫罪
止律李成為首減等杖一百徒三年畢能丁氏
俱為從減一等減等杖九十徒二年半陳越楊

氏等八名俱依不應得為而為之事理重者律
減等各杖七十云除審錄外叅看得朱璣招稱
與杜劉浦勝葉斌蕭宗谷不合將劉彥清亂打
有浦勝將劉彥清脊背用鉄尺打訖無數蕭宗
脚穿皮底鞵鞋將伊肚上後背心踢打二脚璣
又用拳將伊臉上并耳腮軟筋故打傷重葉斌
將伊臉上打訖數掌大腿踢訖一脚當有陳斌
亦助惡將劉彥清臉上打訖二堂有劉彥清目
被打傷重身死切詳劉彥清况被浦勝用鉄尺
於脊背等處打訖無數又被蕭宗用鉄脚於肚

上背心踢訖二脚緣脊背肚上背心俱係要害
去處今被銕尺鞋脚踢打無數其致命根因恐
由于此今朱璣却招用奉將劉彥清毆上耳腮
軟肋故打傷重以致身死慮非實情設若朱璣
果將劉彥清打死必明開將何要害去處打
訖幾奉今却止招故打軟肋傷重未審軟肋左
右的係何處致命事屬含糊况檢驗屍傷又稱
左肋至脇重受傷痕緣左肋不曾招有打傷又
未審因何檢有傷痕尤屬未明且朱璣既將劉
彥清故殺其劉彥清軍役應否不行抵充亦屬

有違俱難平允合將朱璿蕭官保杜劉浦滕蕭
宗葉斌陳越駁回再問送審囚李成等三名審
擬合律如無干問先行依擬摘發

事執兩端

大理寺為人命事據左寺案呈該刑部浙江清
吏司發審犯人一名張祥所犯合仍依原擬
毆殺人者不問手足他物金刃律絞秋後處決
緣犯在成化元年十一月二十七日

大赦以前免科隨任查得已死候聚妻溫氏原告
張祥杖讐將伊夫候聚打死似有故殺情由今

會官勘得張祥与候聚說起前讐目而鬪毆致
死問擬前罪犯在革前免科請

与案照先該本司問擬送審為目招情未明已駁
并問去後今又送審除陟審外參看得張祥犯
該鬪毆殺人絞罪既在革前例該免科自合照
例發落為當却乃擬称原告似有故殺會勘止
是鬪毆事執兩端作疑不決若是依擬奏

請不無煩瀆

聖聽况本部各司往來問擬前項罪犯俱是照例
發落此因若瀆請

旨則前日發落者恐皆過當將來送審者未可照
例事愈不一難以平允合駁再行查擬送審

增添情節

大理寺為不應事事據在寺案呈該刑部四川
清吏司發審犯人二名仰孫高林茂所犯俱合
依私家藏藏天文應禁之書者律各杖九十仰
孫高照例還職完日係行止有虧人數革職發
回原籍為民林茂係操官照例納鈔完日還職
係軍職論功之議內仰孫高係在京道錄司官
通行請

旨除審錄外卷內查得先該右少監裴誠題稱于
右林茂將天文書在家觀看致被緝獲供係右
玄義仰弥高送寺收贓仰弥高再三不服承認
尋日續該錦衣衛鎮撫司問得林茂招稱仰弥
高師父鍾智福有元象書一本遺留与仰弥高
觀看至成化四年四月內有仰弥高惧怕事發
不全將前書與茂收贓在家觀看等情奏送刑
部擬罪原發原招俱無別項情由今查招約六
無各犯半點供訴情詞未審該司憑何原發却
於事外用手本前去兵馬司挨拏犯人陳妙等

不獲止拏無干人王璽林秀到司又押協同跟捕
犯人陳妙善王琬不曾回報却就添招仰弥高章
前詐有神仙煉丹之術將銀簪砂燒煉金銀不成
又勾淫婦陳妙榮在官奸住三夜要勾林茂固結
心腹將書寄勾收藏後目林茂妻陳妙善私勾舍
人王紀通奸漏洩等情盡將林茂等前項招由平
空增添改換切詳林茂等前項招由係是鎮司奏
准送部擬罪事理不曾再令鞠問別情未審應否
擅自增添改換全勾原發原招不同設若仰弥
高果有前項煉丹犯奸情由此時林茂在鎮撫

司問理之時緣何不行招出今本犯既將指奸
事情招出在官緣何不提陳妙榮與伊面對是
否虛實却又照作章前免提徑擬仰稱高作行
止有虧人數且陳妙榮與仰弥高奸宿既是林
茂招出其林茂妻陳妙善與王紀通奸又未審
是何人招出在官况審林茂就稱伊妻並不曾
與人有奸今招前情俱屬未明有碍類奏

畧去情節

大理寺為糾劾事據左寺案呈該陝西道監察
御史發審犯人一名陳旺所犯合依奏事詐不

以實者律減等杖九十徒二年半照例運炭完
日還職查得本犯完該兵部奏擬錦衣衛差官
提解前來該禮科官引奏奉

聖旨送都察院問欽此欽遵今問本犯前罪緣陳
旺係應議軍職論功定議及奉

欽依送都察院問人數請

旨除審錄外奏內查得先該南京兵科等科劾奏
陳旺故違

勅旨高坐于家以致盜徒搶奪標軍器械及照陳
旺先征廣西全無功次冒奏陞賞貪圖賄賂貽

禍遠方續該右都御史周璫上奏本犯不親巡
江部委官軍討賊私通賄賂及兵科又奏本犯
捏詞妄奏本內將

旨意略寫俱屬欺罔兵部上查陳旺先在廣西鎮
守倔強冥頑抗違

勅旨遇賊展轉躲避不肯調兵會剿且又貪蓄賄
賂無廉無耻失誤軍機不可放舉被本處巡撫
官員及本部劾奏俱蒙

寬宥止將本犯取回令去南京後府管事并浙江
口把總管操續該六科十三道將陳旺比先壞

事情由劾奏復蒙

寬宥止令住俸三年今本官不知感激又行倔強
冥頑抗違

勅旨欺罔不忠欲行都察院出批錦衣衛差官前
去將本官等來究問明白奏

請重加處治以爲人臣欺罔不忠者之戒等因具
題奉

聖旨是欽此切詳各該衙門劾奏陳旺前項欺罔
不忠等事俱係重情緣本犯又係見該住俸人
數自合一、查究明白送審具

奏發落今却隱諱不行備細招出事屬不當况
兵部奏

唯要將本犯究問明白奏

請重加處治係是緊關情節却乃略去陳旺雖奉
欽依送都察院問人數別無處治事理却乃引奏
俱屬未明有碍

上請

再問送審

大理寺為強劫事據左寺案呈該山西道監察
御史發審犯人六名王鑑司恭讓劉永張鑑所

犯俱仍依原擬強盜已行而但得財者不分首
從律各斬俱決不待時楊全仍依原擬知入犯
罪事發官司差人追喚而藏匿在家不行捕告
者減王鑑斬罪一等律減等杖一百徒三年係
餘丁審無力照例做工滿日司犯兒仍依原擬
不應得為而為之事理重者律減等杖七十本
犯招年一十五歲依律收贖各隨住內王鑑等
四名審畢監候扶解脫逃賊人劉林等至日對
問如果是實依擬發落若有別情再問送審緣
三鑑等四名俱重刑請

旨除復審外案照先該本道問擬各犯送審為因
不肯服辯已經二次駁問去後今又送審各看
得王鑑等雖招前情數內劉林等未獲今既擬
將王鑑監候挨拏劉林等至日對問又作重刑
請

旨且各犯俱係決不待時人數若已奏

請即當處決今稱如果是實依擬發落若有別情
再問送審又未審如何依擬發落有何別情再
問事屬未明况王鑑等四名仍稱冤枉不肯服
辯難以平允除楊全司拘與審擬合律候類奏

發落外合將王鑑等四名駁回監候按察劉林
等至日對問明白送審

未經對理附奏事不實

大理寺為虛名月支

賞賜事據左寺案呈該刑部河南清吏司發審犯
人三名高騰陳金史勝等犯俱令保不應得為
而為之事理重者律載等各杖七十俱照例運
灰院各還職役除案錄外查得疾內先該經歷
許正泰初指揮高騰等而同委官劉源該吏王
章虛報逃故軍旗姓名冒文

賞賜銀兩分用等情緣高騰等俱係寺官員豈

有不知本衙處放軍旗姓名并被劉源等報作
見在冒關銀兩以致許正奏與寺同分用銀兩
恐是真情今劉源脫逃未經對理報憑高騰等
一面之詞招作無干恐欠停當况高騰等果無
串同情節其許正難免妄奏之罪今將許正
是高騰等串同劉源等冒支銀兩分用并情奏
被未審兵奏情詞應否可作疑奏且高騰等既
与劉源等事干對證輒依今擬徑自發落六屬

事相應運灰還職令合提出候捉劉源等得獲
問有干碍另行奏提高騰等通問發落為當今
止称劉源等另行而高騰等事若結飽許正允
無干碍尤屬未明俱難平允

引律駁一倒死驛頭

大理寺為昏賴資本等事據左寺案呈該刑部
江西清吏司發審犯人二名劉貴所犯合依不
應得為而為之事理重者律通減二等杖六十
李通依應入官之物而侵欺隱匿費用不納者
計所虧欠物數准竊盜論一十貫律通減二等

答五十三除審錄外查得節該

大明律內一款凡自己馬牛駝驢病死而不申
官開剥者答四十觔角皮張入官欽此切詳律
意蓋曰頭畜倒死而不申官開剥者既科其罪
又追觔角皮張入官不比倒死官馬之類應當
計贓坐罪今李通倒死自己騾頭私自開剥當
坐正律却擬前罪事屬不當難以平允

大理寺為監寺自盜馬匹草束事據左寺案呈
該山東道監察御史發審犯人六名劉聚張洪
牛賢魏寬盧翼所犯俱合比佐官物當應給付

与人但有人守掌在官若有侵欺者計贓以監
守自盜不分首從併贓論罪四十貫律各斬王
遲依聽從囑託事已施行者律減等杖九十云
緣劉聚等係比附律條及与王宣俱軍職論功
定議通行請

旨除審錄外伏覲

大明律內一款節開器物錢帛之類須移徙已離
盜所珠玉寶貨之類據入手隱藏縱未將行亦
是其竹木重器非人力所勝雖移本處未駛載
間猶未成盜欽此今照劉聚等雖招故留草束

在場一向不行開支要待下班之日侵開均分
緣前項草束既是在場不曾開出終未成盜又
不係各犯守掌在官今比附前罪恐未允當且
翟文魏寬首告指揮三邏同劉聚等將草束侵
分盜賣今王邏止招聽從各官囑託又不見聽
從何人囑託是何情詞况本犯既是選委監支
草束人數其劉聚等尅留草束在場豈無通同
情弊今擬前罪二屬未明兼且李興明告牛忠
同盧興尅落草二千四百五十束賣銀二十四
兩五錢肥己今查前草在場未曾開出却又不

提李興等面對虛實以致各犯執稱冤枉不肯服辨俱難平允

比例問擬引例查駁

大理寺為查究官軍口糧事刑部廣西清吏司發審犯人七名劉福馮玉所犯合依常人盜倉庫錢糧但得財者不分首從八十貫律絞劉福係軍職照例立功五年滿日還職仍回原衛帶俸差操不許管軍管事馮玉係軍人審無力照例做工伍年滿日于泰孟禮張祥地數俱依知盜贓而寄藏者減知盜贓而故買者一等罪止

律減等各杖九十朱氏依不應得為而為之事
理重者律減等杖七十云查得近該本部題稱
順天府所屬通州冀州等處俱係緊要救支糧
草去處合無通行巡按巡倉等官今後遇有偽
造文書偷籌盜糧詎攬糧價等項就便拿問追
完糧草俱照邊境倉場事例連當房家小發邊
衛充軍原係腹裡衛分軍人發邊衛常川守哨
軍民職官奏

請發落等因成化五年閏二月二十七日題奉
聖旨是欽此欽遵外今在不各營如劉福馮玉等

洗改文冊增添官軍姓名盜支官糧數多比之
偽造文書偷籌盜糧情犯尤重若照常例發落
無以警戒將來合無將見在劉福馮王并脫逃
樊昇等拏獲俱照順天府所屬倉場偽造文書
偷籌監糧事例追贓完日先其立功等項拘要
當房家小發遣衛充軍有係腹裡衛分軍人發
遣衛常川守哨仍行本部并都察院遇有此等
囚犯俱照賊發落緣係照例發落囚犯事理及
劉福係軍職論功定議未敢擅便請

旨除審錄外查得河南清吏司發審犯人夏景等

虛捏武平等衛官軍張勝等口糧數目赴倉開
支事發問擬各犯常人盜倉庫錢糧絞罪徑擬
照例充軍不行比例奏

請已經審免監候再問去訖今照劉福等所犯
捏通州左衛官軍張鏐等口糧數目赴倉開用
事發問擬各犯前罪比之夏景等情犯相同却
乃比例奏

請比與先起發落不一二司所擬未知何者為當
事慮未明有碍平允

大理寺為官軍口糧事刑部浙江清吏司張審

犯人五名岳文果吳英所犯俱合依常人盜倉
庫錢糧不分首從律各絞照例發邊衛充軍白
俊陳通陳忠俱依不應得為而為之事理重者
律減等各杖七十云除審錄外查得先該刑部
奏

准事例內開順天府涿州通州薊州密雲良鄉等
縣并居容關口倉場今後遇有偽造文書偷竽
盜糧誑騙糧價坑陷納戶打擾倉場擊問追完
糧草照例連當房家小發邊衛充軍不曾開有
盜關京倉糧米緣由續該本部河南清吏司發

審犯人夏景等增添武平等衛官軍張勝等口糧數目赴倉關出糧米問擬常人盜倉庫錢糧絞罪在擬照例充軍雖曾審允緣係監候再問送審人犯未嘗明白定奪又該本部廣西清吏司發審犯入鄧福等增添通州左衛官軍張鐸等口糧數目赴倉盜關糧米上擬前罪却要比例奏

請發落為照引例不一况律有此附例難比擬已駁再問去後今照岳文果等添捏鳳陽等衛官軍毛預等口糧數目赴濟陽并大興左等衛倉

盜支糧米三百二十石却又徑自引例克軍緣
前項事例不曾該載未審今次所引者別是何
例事屬未明兼擬各犯盜倉糧紋罪必有鈔貫
數目今却不行撥出充屬未當俱難平允

逃吏

大理寺為違限不銷批迴等事據左寺案呈該
刑部貴州清吏司發審犯人一名陳潛所犯合
依凡姦

制書有所施行而違者律減等杖九十係逃吏審
有力照例運灰完日發回原籍為民除審錄外

查得律內官吏避難日而在逃罷職役不叙見
行事例文武官為事在逃罷職今陳潛以為犯
律則已遇蒙

赦宥以為犯例則無吏罷役之文未審今發為民
憑何律例擬斷况審本吏執稱當軍升陳得宗
勒要津貼銀兩執留文憑因此逃回原籍取討
又係有詞兼且問擬本犯前罪招內却無違例
招眼俱屬未明難以平允合駁再問明白送審

逃官事例二駁

大理寺為清理軍政事陝西道監察御史發審

犯入十一名張興等四名所犯俱合依常人盜
倉庫錢糧但得財者不分首從併贓論八十貫
律皆絞潘宗等七名俱合依不應得為而為之
事理重者律減等各杖七十三除審錄外叅看
得府軍後衛先奏張興等惧罪在逃今張興等
亦招各不合惧罪逃縣雖稱以後自首終係脫
逃入犯恐有見行事例違碍况查先該刑部山
西等清吏司節次發審犯人王英苗惠等招係
府軍右衛鎮撫千戶各不合犯罪在逃以後自
首到司俱問絞杖等罪名照逃官事例科斷已

經審允發落去後今張興等与王英等事体相同設若各犯委的在逃當照見行事例處置如或不曾逃躲該衛難免妄奏之罪今却不行查照明白徑照常例擬斬以致發落不一有碍平允

大理寺為清理軍政事陝西道監察御史發審犯人張興等十二名查得先該本道問擬送審為目招情未明已駁再問去後今問張興等四名所犯云除審錄外奏內查得三填招詞及張興原招俱稱自成化三年正月起到四月終止

通同指揮部璽等將在逃軍人造入支糧冊內
多支月糧有百戶蔡貴先後共分米二石一斗
等情及該道行提部璽等之時有該衛指揮苗
方等又奏指揮工百戶等官部璽等四十六員
俱各俱罪在逃並不曾開有百戶蔡貴征進緣
由今却止憑蔡三一一面訴詞輒將張興改招盜
支軍人丁貴等月米二石一斗入已先被王填
妄招蔡貴盜支等詞中間恐有買求招回脫免
重罪情由三該行勘明白恐有扶同難便憑信
以苗方等之目擬入既已奏奏部璽等四十六

員俱冬愾罪在逃後日照勘却又開稱蔡貴果
於前項日期征進先後奏勘情詞轉換不一以
致事情不無冤纏罪名難免出入恐亦有罪應
否置之不問為害張興孰稱不曾盜支前項月
糧及与張鑑寺俱各有詞不肯輸情服罪通難
平允

詐攬事例二駁

大理寺為不應等事刑部福建清吏司發審犯
人九名劉原等六名所犯俱合依應入官之物
而隱匿不納者計所虧欠物數准竊盜論一百

二十貫罪止律減等各杖一百徒三年陸原係軍匠決訖所犯杖數照徒年限拘後劉原等五名俱軍餘照例做工各滿日胡劉等三名俱供明各着役隨住除審錄外卷內查得蘇氏告称有男吳祥承管茂山衛年例柴炭有舍餘劉原等共与承管領去柴炭銀一百七十一兩該柴炭四萬七千斤各人一向將銀在承盤用不行買辦等情今到原既招該府將范海比較完納柴炭范海告称与吳祥攬納又招范海氣称先前止是吳祥一人攬納並無原等同攬前後

招詞自相矛盾顯是劉原等勾吳祥通同誑攬
今見正犯吳祥脫逃原攬文約又無在官却乃
展轉情詞脫免重罪且劉原等所交銀兩入已
費用原攬柴炭推調不納明有誑騙情由今不
究問明白止憑一面之詞輒擬各犯前罪事屬
不當況招不知名男子在街揚言劉原等買囑
原問官員今既調問仍前含糊揚言之徒未免
得以藉口所據前項招擬通屬未明難以平允
大理寺為不應等事刑部福建清吏司發審犯
人十一名劉原等六名所犯_{刑部}除復審外案

照先該本司問擬各犯送審為目招罪不當已
駁并問去後今又送審查得蘇氏原告劉原等
与男吳祥同領柴炭價銀及劉原招认称范
海被該府比較柴炭告称原与吳祥攬納今劉
原又称范海將柴炭價銀二百六十六兩交与
吳祥包攬吳祥將前價內銀二十兩布三筒作
銀五兩与原買炭五千斤又將銀三十八兩與
陸榮買柴二萬斤九十八兩与劉通三能法成
共買炭二萬斤十兩與趙禮買炭二千斤俱寫
帳為照餘銀吳祥自行費用一向不曾問原等

取要柴炭上納范海聲言要告吳祥俱罪在逃
後本府比較柴炭范海告拘吳祥家屬追納有
吳祥母蘇氏來催原等推稱不知致被蘇氏告
提原等又各捏稱吳祥挾等要告及平日勾伊
並無相干等詞切詳吳祥既是獨攬范海柴炭
緣何交与劉原等價銀數多自己費用銀兩數
少若果將銀与劉原等收買柴炭今知范海等
要告緣何不催劉原等上納却乃輒自脫逃所
據劉原等稱通同包攬情由今見吳祥在逃安
捏轉買柴炭遮飾重罪况招內既稱吳祥一向

不曾問原等取討柴炭上納又稱蘇氏來催原等不合隱匿不納先後情詞自相矛盾設若劉原等果是分受吳祥銀兩收買柴炭緣吳祥所交銀兩即係范海原領官價今見吳祥在逃其劉原等俱各推稱不知及至蘇氏告發又訴平日与伊無干顯是私物當供官用而各犯侵欺不納明有正律可坐未審該司緣何不行依法擬斷并三回護上擬各犯前罪脫免見行事例事屬不當且范海周遜既是承差起運官物却乃就在本衙將官價領与吳祥等攬納今問

答罪尤屬未明仍照平允

大理寺為誣攬三僎事刑部河南清吏司叅審
犯人十六名張斌等三名所犯俱合依誣贓局
騙人財物者計贓准竊盜論一百二十貫罪止
律張斌為首減等杖一百徒三年照例送兵部
連當房家小編發邊衛充軍張弼董璘俱為從
各減等杖九十徒二年半蔡宣韓友才俱依奏
事詐不以實者律減等各杖九十徒二年半張
輔等九名俱合依不應得為所為之者律減等
各答三十三除審錄外卷內查得僊師縣納戶蔡

宣明奏張斌同弟張增男張輔等承攬到黑豆
二千石該價銀一千六十兩止納過豆六百一
十五石又退銀二百五十五兩尚欠銀四百七
十八兩被張增等倚恃官勢不肯完納及項城
縣納戶韓友才亦奏張斌張增張勝等詎攬糧
豆價銀二百五兩自詐銀去後升合不肯上納
及查張斌原立文約并合同欠帖俱有張增等
姓名今張斌却詎要詐蔡宣等豆價恐伊不信
及見張增隣舍居住將各人引到張增家詎說
是我家業張增曰不知情安排酒飯與斌等吃

飲蔡宣等當時穀價銀一千六十兩与斌詎收
入已成化二年五月內斌又與王用作保同男
張弼要詎韓友才穀價恐伊不信与引到張增
家詎說是我家業韓友才聽信与將銀二百五
兩与斌詎放入已未曾上納後蔡宣曰知張增
家富要賴伊陪還添捏張增與斌同攬情由韓
友才亦添捏張增張勝与斌同攬虛詞奏發等
情切詳張斌等詎攬蔡宣等糧價既引各人到
張增家識認家業張增又置酒与各人吃飲及
立文約欠帖俱有張增等姓名其通同詎攬之

情昭然可見未審憑何證佐止依張斌一面之
詞妄招張增曰不知情安排酒飯吃飲及蔡宣
要賴陪還將文約欠帖添寫張增等名字在內
設若張增果不知情識認家業尚怕負累豈肯
安排酒飯與蔡宣等吃飲况吃酒飯之時張增
在場各人必是商議攬納糧豆事情豈肯默
不言止吃酒飯况又張增若是果被蔡宣誣賴
其韓友才係是各縣納戶緣何亦將張增等攬
納緣由具奏且蔡宣若果將文約改換其韓友
才却係原立真約緣何亦有張增等名字兼又

招稱蔡宣將呂阡等名字添寫約內其呂阡陶
海若是果無誑情目何絮家在迤此等情節俱
不究問明白却將蔡宣等奏訴真情指為虛妄
張增等誑攬重罪脫免供明前後招詞曲為回
護自相矛盾難以平允

王恭懿公駁稿終